


LUSIKA LWA

KELEKE YA PERGAMOSI

 Ku lukile. Cwale, kuya ka mo Ni zibela, ku kaba hande ku li tima. Ku lukile.

² Lu tabile hahulu kuba mo hape busihu boo mwa sebelezo ya Mulena. Mi maabani busihu Ne ni utwa luli kuli Mileniamu itile. Mi hape cwale luna ni yeñwi, Ni lumela kuli kuna ni lipuzo zeñwi faa, mi Ni ka libeya mwa pokoto kuli. . . Na—Na sepa ye ki tapelo. . . ye lukela ku lapelelwa. Mi luna. . . Mi Ni ka lika kualaba ka bunde mo Ni—mo Ni konela.

³ Lubulele kuli, haiba u ka bulelela Doc haiba u “ka tima kwateni ao,” kuli asweli. . . ku mo ni monyeha, hahulu, Ha ni yo mwatasa likute lelituna. Mwa ziba, Hani—Hani alimuñwi wa bakutazi baba lata likute hahulu baa. Kona kuli kihande ni be inge lisiyo, Na sepa. Mafelelezo. . .

⁴ Ni ni li bata, Doc. Na baka, Na—Na baka, mwa bona. Oh, oh, ki sikamañi se mu. . . ? Mu na ni kupahama fahalimu ni ku belekela fateni? [Muzwale Branham u ikambota ni muzwale wa hae, Doc—Mu.] Oh, kihande, lituhele fela ona cwalo. Ehe. kihande, li tuhele fela ona cwalo. Oh, batili! Cwale, u si ke wa li wisa. Ehe. Cwale Na lata hande. Fokuñwi. . . Mi ha Ni tabelangi liseli le li monyehela hahulu mwa pata, mwa ziba. Mi—mi la monyeha hande fo Ni bonela hande. Na itumela, sha. Zeo li ka mu tiseza butata.

⁵ Mwa ziba, hamukoni kufeza ka za masika a likeleke aa. Mi kacenu ha ne Ni sweli kubala ku yee, se Ni bulelela musala ka kuli, Na li, “Oh, mawi! Ni—Ni na ni zeñata ze ñozwi ze nikona kukutaza lisebelezo ze mashumi aketalizoho ku yona ye feela.” Mwabona? Mi se ba. . . hakuna mukwa wa ku likekuluha kono konji kunata fela ku za butokwa zateni, mi mwendi ha lu ka ñola buka kipeto lu ka lika kuba ni zeñata za zona.

⁶ Ha ni si ka ku bona kwanu, muzwale. U cwani, Muzwale West? Ni utwile fela makande amande, kuti ñomba wa lubasi lwa Muzwale Daulton utile, mushimani yomuñwi. . . musizana yomuñwi. Ki lishumi, nji cwani? Naini. Mwa hupula kuli zeo neli mwatasi a bulumiwa bobunca fani Mulena ha ni bulelela kuli lu. . . lubasi lwa hae ne lu ka piliswa. Ni bile ni ba lapelela, ne ni yemi fani kusina kuziba ze ne Ni bulela, Moya o Kenile wali, “Ni kufa lubasi lwa hao.” Mwabona? Uh-huh. Mi ki bao kafoo, mañi ni mañi wa bona. Mwabona Mulena mwa ezeza? Mwabona, manzwi a Hae a petehile luli, ali kuba, a palelwe.

Kihande, ha lu tabelangi kuya kwa neku la foliso ya Bumulimu, lu lika kuinelela . . . neku le, la siemba sa bupolofita.

7 Cwale, busihu bo Ni ka lika fela kubulela, mi haiba Na kona, kipeto lu ka fita fa liemba za litaba za kale za lusika lolutuna lwa keleke yee, lwa bubeli . . . kamba lusika lwa keleke ya bululu lolulu ku lona busihu boo. Kana musweli mwa ikola nji? ki nto yende fela. Ni nahana fela kuli ki nto yende ka mo Mulena Jesu a lu fuyolezi ni ku lufa lika zee, mi lwa itumela ka lipilu za luna kaufela, ku lu lemusa nako isika kwana kale ze ka ezahala kwapili. U ziba mafelelezo kuzwa kwa makalelo, mi kacwalo lu tabile hahulu ka seo. Kacwalo lu sepa kuli Mulena uka lu fuyola.

8 Mi kana mu lemuhile, busihu bwa maabani, Moya o Kenile u lufile (kasamulaho wa sebelezo kufela) mañusa amalalu ni mioyo yemilalu. Ona cwalo luli. Mi cwale Moya ha no sweli kubulela, se li kutela hape fa toloko ya mafelelezo, kukutela, wali, “Seo Moya u si bulelela likeleke . . .” Oh, “Ya na ni lizebe, a utwe seo Moya usibulelela likeleke.” Fela . . . Mi Moya ubulela ka kufitela mwa limpo za keleke. Oh, keleke ha iswale taba yeo ka likute cwale, mwabona, mu be fela ka likute. Mu tokomele; Satani u ka taha mwatani, alike ku mi matiseza kwa mafelelezo a zona. Mubone kuli ki Moya o Kenile ka nako kaufela. Mi haiba ki Moya o Kenile, U ka bulela kulibana ni sika se si fosahala. Ki kuhuliswa kwa keleke. Mwabona? Mi haiba mu ka bwa ka likute ka zeo, Mulimu kipeto u ka mifa zeñata. Mwabona, ukana azwelapili fela ku ekeza zeñata ni zeñata. Mi haibile . . .

9 Cwale, kuna ni yabile a liza ni ku kupa . . . sicaba sa liza kacenu mi ba buza fo ku kabela lisebelezo za foliso. Cwale, lisebelezo ze li sa fela fela, la Sunda manzibwana, Ni kabe niile ka mazazi a likani, ku yo katulusa mumizo waka hanyinyani, mi la Sunda le li tatami, haiba Mulena alata, lu kaba ni sebelezo ya kufolisa, la Sunda yetaha kakusasana. Yani ikaba la . . . ha ni zibi kuli ikaba lizazi lifi lani, kono ikaba biki iliñwi kuzwa . . . La 18, la Sunda kakusasa- . . . Kana ki niti, Muzwale Neville? Uhm? [Muzwale Neville u alaba kuli, “Eeni, sha.”—Mu.] Kakusasana la Sunda, ki la 18, ki ku lapelela bakuli.

10 Mi ku se, mulisana wa luna kwanu, Hanina nako ya kubulela zeñata hahulu ka yena, kono Ni bata kuli kaufela mina, ni ka lika ku kopana ni mulisana wa luna. Yena ki—ki muzwale yomunde luli ku Kreste. Lu tabile fa kuba ni muzwale ya . . . hulezi mwa tuto ya Methodist ka za kukena. Mi kaufela lwa mu ziba Orman Neville, mañi ni mañi mwahali mo wa mu ziba. Hakuna ya kona kusupa munwana fa bupilo bwa hae. Nia . . . Ha tabelangi kuli ni bulele cwalo, kono ni cwalo Ni ka tabela ku mufa palisa nyana cwale, kufita sikocela sesituna ha sa timezi. Mwabona? Mi cwale kona nako.

11 Busihu bobuñwi ne Ni zwa mwa keleke mi yomuñwi ali, “Oh, Muzwale Branham, Ni itumezi hahulu ka kutazo yani.”

Mi Na li, “Ni itumezi.”

¹² Mi kacwalo yomuñwi na yemi fa munyako, (se li myaha yemiñata kwa mulaho, neli ona mwa tabernakele mo) mukutazi, ali, “Kihande, kufuyolwe Mulimu, Na ha ni latangi mutu ku ni bulelela cwalo.” Mwabona? Ali, “Ni bata kuli kanya kaufela iye ku Mulimu.”

Se nili, “Kihande, ki cona.” Mwabona? Mi se Nili, “Kihande, Na lata cwalo, na.” Se nili, “Na luli na lata cwalo.” Mi se Nili, “Ni lukela kuba ya sephala.”

Mi yena ali, ki hali, “Kihande, Ha ni tabelangi kuli batu ba bulele cwalo ka na, kufuyolwe Mulimu!”

Se nili, “Kuna ni fela shutano iliñwi mwahala ka ni wena: Na sephala ka zona, mi wena ha u sephali.”

¹³ Mutu kaufela wa lata. . .Ha munga mwana yomunyinyani, mu mu lumbe hanyinyani, u ka eza musebezi omunde. Mwabona? Yeo ki niti. Mwabona? Mi Mulimu, kamita, Wa lata ku bulelelanga banaba Hae ha ba ezize zende. Mu latanga ku ba kalimela ha ba fosize, kono kinji ha mu sa ba buleleli ha ba ezize hande? Mwabona?

¹⁴ Kacwalo Ni itumela hahulu ku Mulimu ka Muzwale Neville ka kuba mulisana wa mutapi wo kwanu kwa tabernakele. Mi ka kubona muuna yani, ba tumelo ya Methodist ka kukala, ya bunya kwa. . .Kupalañi, mane inge ya tabela kucela fa tafule ye masila. Kacwalo. . .kono ka kufumana mwateni ka—ka Moya o Kenile, mi cwale kutaha mwa limpo zani; mane ni ka mata luli Moya o Kenile mo u i tusiseza yena ha sa itusisi ngana ya hae. Mutalimelange tolongo ni mulumo wa yona, ni kutuuma ka kupahama ni kutulukuka, sina za mibulelelo ya manzwi ni tulokandina, ni zeñwi cwalo, ni kualaba fela ka swanelo hape.

¹⁵ Mi yena muzwale yomunyinyani yoo, Ha ni sepi kuli ki. . . Junior Jackson. Kihande, Ni ka kuza, Junie. Ni lumba Mulimu ka Junie Jackson, muzwale wateni una ni mpo luli yezwa ku Mulena.

¹⁶ Mi kamita uina fela ya ikokobelize. Cwale, mañi ni mañi mwa keleke una ni sa kueza; kono musike mwa li hohela kwatuko a sika sisili fela, kaufela zona li lukela ku zamaelela ni babañwi ba keleke. Ki za Mulimu, lika kaufela. Mwabona? Mwabona? Musike mwa eza kuli kaufela mubulele ka malimi, mi mutu kaufela a toloke.

¹⁷ Mulike fela kueza sika se sinde ni kuzwelapili fela kueza zende; musike mwa ba ni piluseta, kutokwe litela, musike mwa ba ni ñole. Hakuna taba kamba mutu u maswe cwani ni kuli u ambola ze maswe cwani ka wena, u si ke wa be unahana ze maswe mwa pilu ya hao ka yena; kakuli ona fani diabulosi u ka ku kenela, abeleke sika mwahali mwani. Libeye fela kaufela inge li kwahezwi hande ka lilato, kubaka, ni ku lukisa lika, ni kueza

bunde ku baba ku eza bumaswe. “Haiba mueza fela hande baba mi eza hande, kiñi,” Jesu naize, “hañili batelisi ki mo ba ezeza ni bona?” Mwabona? Baezalibi, mutu kaufela wakona kuba hande ku baba mueza hande. Kono mueze hande baba sa miezi hande, mueze sika ku baba sa mi ezezi sesiñwi. Bulela manzwi amande ka muuna ya kona kubulela manzwi a maswe a wena, mi ka kueza cwalo mu ka zwisa nyoko ni ñole kaufela mwa pilu za mina; mi kamita mukana muba mwa lilato ni mutu kaufela he, haibile fela muina mwa lilato.

¹⁸ Cwale mu li, “Kihande, ne ba . . .” Ha lu ba atuli, Mulimu ki yena Muatuli. Mi hauna kutabela kuli mutu yo a latehe, nji cwani? Batili kutokwa, hakuna taba kuli ki mañi. Ha mu koni kutabela cwalo, kona kuli mulike kub ani sishemo ku bona. “Mi lilato li kwahela libi zeñata.” Uh-huh. Eeni, sha. Lilato, ona bunde fela ona cwalo, Mukreste, Lilato la bumulumu.

¹⁹ Haiba mutu utaha mi u kubiza kuli “mupikuluhi ya kenile” ni mabizo a mifuta kaufela, cwale—cwale fela musike mwa eza sina cwalo, mwabona, haiba mu ka eza ze cwalo, mu ikele fela. Kono mwa pilu ya hao, u lukela kuba fa sibaka so bulela kuli, “Kihande, ki . . .cwale, mwendi, muzwale, haiba u u twisize, ka mo Ni utwisizeza, u ka utwa sina mo Ni utwela ka zona.” Mwabona? Mi ube fela ya munati ku yena, ni kuya fela ona cwalo. Mi ni ha lu ka shutana sina mo kuinezi upa ni wiko, zeo halina shutano ni yekana.

²⁰ Sina ha ne Ni bulezi busihu bobuñwi, Nina ni muzwale wa . . .ki ki mbonezikai kwa bukuswani, Melvin; ki yomutelele, wa milili yemifubelu. Cwale, mane ha lu swani inge kuli ha lu bahabo ni hanyinyani. Mi ni—ni micelo ya luna ya shutana, mane ni litakazo za luna za shutana; kono ni cwalo bomahe ki boma, bo ndatahe ki bondate, ki muzwale waka. Mwabona? Kakuli lu pepilwe mwa lubasi lo lu swana.

²¹ Cwale, lwa shutana. Melvin ha ki Mukreste, mi utabela papali ya baseball, kupahama lipizi, ni lika ze cwalo. Mi Na—Na sepa u tabela nama ye lambilwe mafi, kacwalo Ni ziba kuli lwa shutana foo. Kacwalo Ha—Ha ni tabeli ku pahamanga lipizi kamba baseball, Na ni lata kuyamba ni kuzuma. Mwabona? Mi hakoni ku fetula lizoho la hae ka zeo, mi Nina ha nikoni ku isa lizoho laka ku lisili. Kacwalo he, mwabona, kono yena utabela nama ye lambilwe mafi na Ni lata ye lambilwe mbilimbili. Kona kuli . . .

²² Cwale, Ha ni akalezi, mwabona. Kono Ne ni bulezi cwalo nako yeñwi mwa mukopano kusili, kuli Ni lata nama ye lambilwe mafi, mi busihu bo ne butatami Na ba ni likocela ze mafi a chokoleti a ketalizoho . . .kamba nama ya mbilimbili, mi Na ba ni matunula mane kamba a ketalizoho a nama ya mbilimbili likezeli yeneli ni beselize ni ku ni tizeza. Mawi! Kana ne luna

ni nyakalalo mwa muzuzu waka! Kono, Ha—Ha ni talusi cwalo. Mwabona?

23 Kona kuli Ni talusa ku mi bonisa fela shutano, mwa bona. Kono hakuna taba kamba u cwani, Na mu lata, ki muzwale waka. Mi kacwalo ha ki Mukreste kakuli ubona lika mwa liseli lisili, Na ni bona lika mwa Liseli la Kreste; kono niteñi ha Ni koni kubulela kuli ha ki muzwale waka, kakuli lu mizwale baba pepezwi mwa lubasi lo lu swana.

24 Cwale, maabani manzibwana, Ne ni bulezi taba, ya mafelelezo yani. Mi muhupule cwale, liñusa la pili le ne litile kwa keleke kasamulaho wa ani o mu ziba, haisi fela kwani kwa Kentucky, neli kuli ku kaba lika ze patilwe mwa mukopano wo ze ka komokisa babañata. Mwa hupula cwalo? Liteni fa tepu, cwale. Mwabona? Maabani busihu iliñwi ya zona ne ipatuluzwi. Kona kuli la yema nyana ka muzuzu nyana fela, kono Ni ziba hande kuli ne mu li utwile; kakuli Moya o Kenile no li tizize hape, zani ne li za: “lihele la Kuyakuile, hakuna nto yecwalo mwa Bibebe.”

25 Hakuna lihele la Kuyakuile. Haiba muba ni Kuyakuile. . . Haiba ne mu ka tuka Kuyakuile, kona kuli mulukela kuba ni Bupilo Bobusafeli kuli mube mwateni, haiba mwa pila. Mi kuna ni fela mufuta ulimuñwi wa Bupilo Bobusafeli, yani ki Mulimu! Mwabona? Kacwalo, mi he Bibebe ha iluti ka za lihele la *Kuyakuile*, iluta ka za lihele la “kamita” kihona. Ikona kuba ka myaha ye teni sauzande milioni, Ha ni zibi, kono li na ni kutuhela.

26 Kakuli Ne ni Li kenyzize mwateni. Ni Li bulukile kwahule ni likeleke ni lika zeñwi kufitela Ni. . . ku iitingile ku na ku Li bulela. Mi hape kuna ni lika zeñwi mwateni ze iitingile kuna ku Li bulela, mi kacwalo busihu ni busihu lukana lu li fumana.

27 Kono cwale, kuzwa busihu bo kuya kwapili, mukale kutina minahano ya mina ya moya, mwa bona, Moya o Kenile u Li nwelise fela mwahali. Mi kipeto ha mu utwa kono mu tokwa ku lumelana ni Lona, muzwela kwande mi mubulela kuli, “Muzwale Branham kwateni, ha—ha zibi kaniti. Ni ka mu lapelela.” Mi muezze cwalo, mi kipeto Ni ka. . . Mulena uka ni zibisa se sili Niti fohe, kono mu ni utwisise fela, mi musike—musike mwa ni hana. Kona kuli zeo zakona kuba niti, hape, kono, oh, Nina ni nako yende hahulu ka kunahana mwa mukwa o cwalo. Kona kuli ki kuezza kuli likopane hande. Mi Na, oh, Na—Na kona kufosa; kono kwa kona kuba sibaka se Ni sa zibi mwahali mwani, kona kuli mwendi mina mwakona, ku ni lapelela kwateni kuli Mulena a ni bonise.

28 Mi cwale, mi fahalimwa lika kaufela, muzwelepili kulapelela mañi ni mañi mi diabolosi asike a mi bonisa ñole mwa mukwa kaufela. Mwabona? Mubeye mioya ya mina ili ye kenile mwa hola ye, kakuli lu mwa liholo za kukwala kwa litaba za kale za lifasi.

Mwabona? Lu kwa maungulo, balikani, kusina nihaiba muluti wa ku kakanya.

²⁹ Halunze lu taha mwahala masika a likeleke ze, lu ka lemuha litaba kapili cwale, mane mwendi buñata bwa zona ikaba busihu boo. Lu sweli kuyala mutomo fo luka fumanela fa ku kwalela, mi cwale mwa busihu boo lu patulula lika zetungile za moya. Muhupule cwale, Ni bulezi cwalo, mu lukela kuapala minahano ya moya. Kono mutokomele Mañolo, lina ni kuba *mwa* Mañolo, mi lina ni kuzwa *mwa* Mañolo. Mwabona? Cwale muhupule li . . . Ki zibo fela ya Linzwi, la kubulela kuli, “Kihande, Ne niile kwa sikolo se si pahami. Ne niile kwa sikolo sa Bibe. Ne niile kwa koleji.” Seo ha si talusi sesiñwi. Bafarisi kaufela ni Basaduki ne ba ezize lika zeswana, mi ba mbwinja kuziba Jesu ka limaili ze milioni. Mwabona?

³⁰ Mañolo, sinulo ya Mañolo, “i patilwe kwa meeto a ba babutali ni ba ngana, mi li patululezwi kwa limbututu ze kona kuituta.” Kona kuli Na ni wena halubeñi limbututu mi lu kwalule fela lipilu za luna, mi muli, “Mulena, U—U lu bulelele, mi lu—lu sweli kuteeleza.” Mi kipeto lu swale litaba za moya. Cwale muhupule zeo, manzwi a ka bulelwa busihu boo kuya kwapili, muswale mulelo wa moya, kakuli lu taha mwahala makunutu amatuna a lusika lwa keleke.

³¹ Cwale, Ni sepa kuli zeo li utwahalile. Cwale muhupule kamuso busihu, lu inzi mwa lusika lwa keleke yeñwi busihu boo. Mi Ni sepa kuli lwakona kuba ni nako yeñata kamuso ye luka ina musihali kaufela fa taba ye, mi kipeto ni kamuso busihu hape. Kono, mwabona, buñata bwa bona ba ka beleka mi Ni ka lika kunata fela fa litaba zetuna za liñusa, kufita fela fa lika zetuna ze bulezwi kwanu, ze mukona kunga silisiñwi sa zona ni ku zwelapili ni zona, ku fituluka ku zona kufitela lupalelwa kubulela fo likona kufita. Mwa bona? Kono . . . Mi he mu yo li balisisa kwa malapa, mi Ni ka mi lapelela, mi ni mina mu ni lapelele, mi Mulimu a lu fuyole hamoho kakuba bana ba Hae baba lumela.

³² Cwale lu si ka kala kale, Ha ni zibi haiba ikaba nto yetata hahulu haiba mwakona kuyema.

Mi mwa ziba libaka le Ni latela kuyemanga ha ni lapela? Jesu naize, “Ha mu yemi, inge mulapela, kulapela kuli, ‘Ndata luna Yakwa Lihalimu.’ Kipeto mu swalelane mutu ni mutu.” Mwa bona? Mi kipeto Gideon aketa mpi ya hae nako yeñwi ka bona bene ba inami ni kukubama kukapa mezi, kamba bona bene ba yemi ni kunwela mezi mwa mazoho. Mwa bona? Kona kuli bona bene ba wanga, bene ba—ba kubama ka mañwele fapila milimu ya kubupa, mi a ziba kuli ne ba sa lukeli kuya. Kacwalo, yena ya na yema inza talima ka tokomelo nako kaufela. Cwalo kona mo lu ezezanga, lwa yemanga ni kulapela. Cwale, Na lumela mwa

kukubama ni kulapela, hape; kono, kuyema ni kulapela, Ni sepa kuli ku talusa fela nto yeñwi ku luna, ka buino bobuñwi.

Ha lu inamiseni litho za luna cwale, pilu kaufela iiname ni yona:

³³ Ndate ya Muhau yakwa Lihalimu, halunze lu atumela cwale Lubona lwa Hao lwa katulo. Mi ha lu taheli ku to kupa ku Wena kulufa katulo, kakuli kaufela luna lwakona ku ciselezwa, kono lu taha, inze lu kupa “Sishemo, O Mulena!” Lu sululele fahalimu, busihu boo, kwa Moya wa Hao; isiñi kuli lwa swanela, kono ki bakeñisa kuli ha lu swaneli, mi lwa li ziba ni ku li lemuha, mi ha lu tahi ka libizo la luna, kakuli ha li swaneli. Haluna katulo ye lukile, kamba—kamba hakuna, kuluka kwa luna kokutuna luli ikona ikaba liapalo ze masila fapila Hao. Kacwalo lu taha ka buikokobezo ka Libizo la Mulena Jesu, u Mu tisa fapila luna, Mali a bulikani bwa Hae, lunze lu Bu lwezi mwa lipilu za luna, mi lubulela kuli, “Mulimu, u lu utwele butuku luna baezalibi baba sweli ku kupa sishemo mwa hola ya ñalelwa.” Kuli, zazi leliñwi kutazo ya mafelelezo ha i ta kutazwa, ha lu zibi kuli ikaba lili; nako ya mafelelezo ku kaba muhuwo o ka utwahalela mwa mbyumbyulu; Biblele ika beiwa i kwahezwi fa katala; mazoho aka omelela; mi mishika ika luma; lizazi li ka likela. O Mulimu! Kipeto u ni pate, Wena Licwe la Myaha myaha, mwa hola yeo.

³⁴ Mi lubona kuli haluna masabelo cwale, hakuna sika konji ka Wena. Lu bona kuli linaha za ikaba. Lu bona Biblele ha italelezwa. Lu bona Isilaele isweli ku ikongakonga. Lu bona Liñusa kwa Keleke. Mi hola se isutelela kwa kufela, kwa nako ya ku patululwa kwa lika zetuna, mi ni Maswayo Asupa a kwaluhe.

³⁵ Mulimu, Mulimu, O Mulimu, u lu utwele butuku, lu kupa sishemo. Mi kakuba mutanga Hao, Ni kupa sishemo sa mutu ni mutu fa Pila Bumulimu busihu boo. Mulimu, kusike kwaba mutu ni yomukana mwahala luna yana ni sibi mwa moyo wa hae, kono ha ikeniswe ka yona nako ye cwale ka Mali a Mulena Jesu, kuli kaufela lu yo kopanela mwa sibaka sa kozo kwabuse bwa mbyumbyulu.

³⁶ Mi ha Ni nze ni atumela Liñolo le busihu boo, Ndate, oh, Ha ni swaneli. Mulimu, hakuna ni yomukana ya swanela. Lwa itumelela kuli hakuna ze lu ziba, Ndate, kono lu iitingile fela hahulu fa Moya o Kenile kuli A patulule lika ku luna. Halunze lu putulula mwahala lika zaluna—zaluna za zibo Yo lufi, litaba za kale, mi cwale Moya o Kenile ulufe mubonelo wa mañolo ka swanelo kwa lipilu za luna. Lumeleza cwalo, Ndate, kakuli lu libelela ku Wena ka Libizo la Jesu Mwana Hao. Amen. Mwakona kuina.

³⁷ Mwa kauhanyo ya 2 ya Buka ya Sinulo, mi keleke ya bubeli, lusika lwa keleke ya bulalu. Lukale. . . [Kezeli ubulela ka lulimi lusili—Mu.] Muni swalele.

³⁸ Ndata Luna Yakwa Lihalimu, Libizo la Hao libe leli kenile. Kutahe Mubuso wa Hao, tato ya Hao iezwe, mwa lifasi mo i ezezwa mwa Lihalimu. Lu ku Kupa kuli ube ni luna, Ndate, mi lu fuyole, mi lutuse kuli lube bayahi ba likwala mwa hola ya sinyeho yetuna mwahala sicaba. Kulyangana ni lika zeñwi ha li ezahala, lutuse ku ba batu babande hahulu, Mulena, kuli lube batanga ba Hao ka Libizo la Kreste. Amen.

³⁹ Cwale, Ni bulezi seo pili, kuli mukone ku ziba. Kana mulemuhile kuli toloko ne isika taha kwa Linzwi? Kezela luna na tozizwe ka Moya o Kenile, hakuna kukakanya, kono na file liñusa kasamulaho wa Linzwi ha se li tile, mwa bona. Ki kushutana nyana fela kwa lika. Cwale, zani ne li lukile, kezeli yomunde, kamba ki wena mañi kaufela. Moya o Kenile hauli ku wena, oh, ku tata hahulu ku li swalelela cwalo, Na ziba. Ku swana fela inge. . . Kamba ha u bulela taba yeñwi ni. . . Mwabona, kono ne li lukile; kono ne mu ikutwile cwalo mane lu si ka kalisa kale, mwa bona. Mi leo kona libaka, mwabona, za kutanga haibile fela ki Moya o beleka. Mioya ya bapolofita iipeya ku utwa bapolofita, mwa bona. Yo ki wena.

⁴⁰ Cwale, mwendi Moya o Kenile wa ku toza hape, fela. . . Ni sepa kuli U cwalo, kasamualaho fela wa kufela kwa sebelezo. Mi mutalime fela toloko ha itaha, mwabona, kakuli ilukela kuba ye namile mwa mulao o swanela, mwa bona; kono lusweli fela ku atumela Linzwi, mwa bona, mwahali mo. Kacwalo, cwale, yani kwateni luli neli Mulimu, kaniti na li yena; Na lumela cwalo ni ku ikutwa cwalo ka pilu yaka kaufela, kakuli Ni utwile za kwa mulaho halitaha mwateni, mwa bona. Kono haili Moya o Kenile. . . ne si nako pili. Una ni liñusa ku kezeli wa keleke, kono *fa* kona Fa belekela Liñusa la Hae cwale. Mwa bona, Haana ku lyanganisa za Hae, U beya lika kaufela ka mulao. Ni sepa hande kuli mañi ni mañi wa utwisisa, mwa bona, yeo luli ki swanelo.

⁴¹ Cwale mwa—mwani mwa kauhanyo ya 2 ya Buka ya Sinulo. Mi kube. . . Lu kala busihu bo ka—ka Lusika lwa Pergamosi, kauhanyo ya 12. Cwale, maabani busihu ne lu siyezi fa timana ya 11:

*Ya na ni lizebe, a utwe seo Moya u si bulelela likeleke;
Ya tula hana kueziwa maswe ki lifu la bubeli.*

⁴² Cwale, mwa lusika lwa keleke yapili, ne lu fumani Manikolai ko ne ba kalezi. Mulimu na ipatuluzi Iliyena kuba. . . Jesu na ipatuluzi Iliyena sina Mulimu Yamata kaufela: hakuna usili, hakuna liemba, isiñi liemba za Mulimu, Nali Mulimu anosi.

⁴³ Cwale, mwa lusika lwa keleke ya maabani busihu, lwa fumana kuli Na yemi fa sikwalo mi A ñolela litaba ze kwa keleke, ni ku ba bulelela za bubotana bwa bona. Kono Na bulezi kuli nebali kwa. . . Manikolai baa, ni zeñwi cwalo, ba Na toile.

⁴⁴ Busihu bwa maabani neba. . . apezi mushukwe wa ba bulaiwa. A ba bulelela kuli basike ba saba, kuisa lifu, kuli A be—

A be ni bona. Mi cwale kwa mafelelezo ani A li, “Ya tula! Ya tula hana kueziwa maswe ka lifu la bubeli.”

⁴⁵ Cwale, haiba kuna ni lifu li liliñwi, mi lwa ziba ka lona, kona kuli ku lukela kuba lifu leliñwi hape kokuñwi; kakuli lifu leliñwi lushwa ka lona mo mwa nama, lifu la bubeli lu shwa ka lona mwa moya, ki moyo. Ki, “Mi moyo o eza sibi uka shwa luli.” *Kushwa* fela ki, “kuzwelela mwa sika kaufela;” mwa bona, u—u. . . *Lifu* litalusa, “ku zwiswa mwa sibaka, ki—ki—ki ku isywa kusili, kupatiwa kusili.” Mi cwale balatiwa ba luna ha ba swhile, ha ba sa bonahala kuya ka mo lu zibela. Lu biza zeo kuli lifu.

⁴⁶ Kono Mukreste ha shwi. Hakuna Liñolo le li bulela kuli Mukreste wa shwanga, kakuli una ni Bupilo Bobusafeli. Kono muezalibi ha shwa, yena u felile, mi moyo wa hae uka shwa kwa mafelelezo. Kono cwale ha ku shwa Mukreste, u libelela fela Jesu kuli akute hape. Oh, Ni sepa Ni kaba ni nako kwa mafelelezo a pono ye busihu boo, ku se lu ka kutela; mi mu ka si bona, mo li tizeza ona lifu la bubeli lani. Yona kauhanyo yeluli ku yona busihu bo ipatulula nto yeswana, mi ki buino bobunde luli fa.

⁴⁷ Cwale—cwale, busihu boo, luka bala liñolo le kapili luli, kakuli Ni na ni zeñwi—zeñwi za lizibiso kuya ka litaba zakale ze lubata kufita ku zona pili, ni kulika ku mi inisa nako yetelele hahulu. Cwale, kwa. . . kasumulaho wa kufela kwa lisebelezo zee, nako kaufela ha Ni bala taba ye kapili hahulu, haiba mubata ku utwa buino bwa yona; Muzwale Mercier fa una ni yona kaufela, Ni fanga litaba ze ñozwi ku yena; mi wa kona kubona muñolo mwa buka, uka mifa nto kaufela mwa ziba. . . mwa—mwa li tabela. Zeo likaba zende, Muzwale Mercier.

⁴⁸ Timana ya 12:

Uñolele ni lingeloi la keleke ya Pergamosi u li; Ki ze za bulela ya sweli mukwale o lozizwe kafa ni kafa o shengile uli;

Ni ziba misebezi ya hao, ni fo uyahile, ili . . . fokuana ni sipula sa Satani. . . u sweli libizo la ka katata, mi ha u si ka latula tumelo yaka, nihaiba mwa mazazi a Antipasi paki yaka ye sepahala, ya bulailwe ku mina, mwa yahile Satani.

Kono Nina ni ze ni ku nyaza ka zona, kakuli una ni ku wena babaya ka tuto ya Balaami, yena ya na lutile Balaki kubeya siteo fapila bana ba Isilaele, kuli bace ku ze tabezwi milimu ya maswaniso, ni kuli ba pile ka buhule.

Hape una ni ba baya ka tuto ya . . . (ki zona likezo ze ne ezahala kwa mulaho kwani mwa Efese, cwale se i bile “tuto”) . . . tuto ya Manikolai, . . . (Mwa hupula ha ni mi bulelela cwalo busihu bobuñwi, mo ne li fitezi ku zeo? Likezo za mwa Efese, cwale se li “tuto”) . . . ki—ki tuto ya Manikolai, ili lika ze Ni toile. (Uhm!)

Ubake; kusi cwalo Ni ka ku tahela kapili, ni ka ba wwanisa . . . (isiñi Keleke ya niti) . . . ka mukwale wa mwa mulomo wa ka.

Ya na ni lizebe, autwe seo Moya u sibulelela likeleke; Ya tula Ni ka mufa kuca kwa manna ye patilwe, mi ni ka fa ku (yena) licwe le lisweu, mi mwa licwe ku ñozwi libizo lelinca, le li sa zibwi ki mutu konji ya li amuhezi.

Cwale Mulena aekeze limbuyoti za Hae ku Se, mi alutuse cwale ha nze lu lika.

⁴⁹ Cwale kwa makalelo a keleke ye. Ki lusika lwa keleke ya bulalu, ye bizwa Pergamosi. Mi ni—ni nako yeo keleke ye neili teni neli kuzwa ka 312, A.D. 312 kuisa 606.

⁵⁰ Lusika neli: tuto ya buhata, Satani wa puma, mutomo wa puso ya bupope, ni linyalo keleke kwa naha.

⁵¹ Mupuzo ne li: maana ye patilwe, licwe lelisweu.

⁵² Mi naleli, lingeloi la keleke ye, kuya ka zeo Moya o Kenile ukona ku ni lumeleza kueza, Ni ketile Muhalalehi Martin. Ne li si—si sinulo yene filwe ku na ka zona, kakuli kubala ka za ba bakenile babañwi ka nako yani. Ni ngile Muhalalehi Martin bakeñisa kuli na li muuna wa bumulimu, kuya ka mo ni nahanela neli muapositola linako ze lishumi kufita Muhalalehi Patrick mwa na inezi.

⁵³ Cwale, Muhalahi Patrick neli mwaana kezela Muhalalehi Martin; kezela Muhalalehi Martin neli yena mahe Muhalalehi Patrick. Mi Muhalalehi Martin nali . . . eeni sha, yani neli malume wa Muhalalehi Patrick.

⁵⁴ Cwale, bupilo bwa hae ne buzwa ka A.D. 315 kuisa 399. Cwale ki le libaka le Ni mu ketezi mwahala babakenile babañwi ba lizazi lani, bakeñisa mwa na zamaiseza bupilo bwa hae. Mi mwatasi a susumezo ya Mulimu, Ha ni lumeli kuli . . .

⁵⁵ Cwale, keleke ya Katolika ne i si ka mu luta hande ka swanelo, ne ba si ka mu kuteka, mi kona libaka ha Ni mu ketile. Uh-huh, uh-huh. Mi bao kaufela bo lu bona, baba na ni bulumi wa bwa moya, bo ne ihanile keleke yapili. Keleke ya ma—ma Manikolai ne i li hanile bakeñisa ona lika zee: nebali ba moya. Mi sina ha Ni swanize fa, Keleke ne i hamuliwa kuzwa mwa tuto ya Manikolai neili mwa—mwa buñata; mi ni Keleke ya niti neili mwa bunyinyani, kona mo kubezi ona cwalo kamita.

⁵⁶ Mi sina ha Ni bulezi kuzwa kwa makalelo, neli Jesu ya na bulezi kuli, “Musike mwa saba, mutapi o munyinyani, ki tato yende ya Ndata mina ku mifa Mubuso.” Kona ha Ni tamahanya Mubuso kwa Mubuso wa moya. Mi luna . . . ni Mubuso wa moya, mane lu tabile hahulu ka zeo, mane ni Mulena mwa Mubuso mo. Muhupule, Yena ki yena Mulena wa ba bakenile (*bona ba bakenile*), Yena ki yena Mulena ya ba zamaisa.

57 Bupilo bwa Muhalalehi Martin neli . . . ki bulibuñwi bwa bupilo bobuna ni limakazo zetuna hahulu mwa batu mwahala masika apili a likeleke. Kuzwelela ka foo ku Muhalalehi Paulusi kutaha cwalo, neli alimuñwi wa batu ba moya hahulu. Na li cwalo . . .

58 Iliñwi ya limakazo za hae za makalelo neli . . . Na li musole, ka kukala, Na lumela. Mi zazi leliñwi ha na zamaya cwalo nekuna ni mutu yana . . . neli—neli muuna yana lobezo, mwa silami inge anjanja, mi batu kaufela bene ba itakaleza . . . kamba, isiñi kuitakaleza, kono bene ba lukela kutusa mutu, ba mu fitelela fela ona cwalo sina mu—mu muprisita ni Mulevi mo ne ba ezelize mwa litaba za *Musamaria Yamusa*. Kono cwale Muhalalehi Martin ha to fita, ka kuziba musebezi wa hae ka kuba Mukreste wa mulumeli, na na ni koti iliñwi, kubo fa maheta a hae, aipazula fahali ka mukwale wa hae ni kufa siemba sa yona ku mukunyandela yoo, yena ashimba kalulo yeñwi. Mi busihu bwani akala musebezi wa hae, kakuli, Jesu Kreste na bonahalile ku yena, mwa pono, inza itatelize mwa kubo yeswana yana pumile fahali kueza liemba zepeli; ye ne talelelize Mañolo, “Ona mo mu ezelize ku bao, mu ezelize Na.”

59 Kona kuli munge taba yeo kuba tuto. Kaufela so ezeza mutu, u si eza ku Kreste. Muhupule fela cwalo. Cwale mina . . . Ha lu buleleni cwalo hamoho [Muzwale Branham ni kopano ba bulela hamoho—Mu.]: “Kaufela zo eza ku babañwi, u li ezelize Kreste.” Kona kuli hakuna ka za nahana ka wena, kono ki zo nahana ka yena, mwabona, kona ze tisa mbuyoti.

60 Yani neli yona makazo ya hae ya pili ni makalelo a bulumiwa bwa hae. Kuna ni zeñata hahulu za zona, Hanina—Hanina nako. Kakuli kuli mu yo kuta kamuso ni busihu bufi kaufela, kona kuli ha Ni lati ku mi inisa nako yetelele hahulu.

61 Ku lukile, makazo yetatama ye Ni ketile kuambola ka yona busihu boo.

62 Yena luli na sweli ku yahulula bulapeli bwa sihedeni, mi mane na lwanisa hahulu keleke ya Rome. Yena luli na sa lumelelani ni mabishopu ba keleke yapili ya Rome, na . . . ne basweli kuya bakena mwa lifasi ni zeñwi ze cwalo, mane aba lwanisa. Luli na ba lwanisa. Yani kona makazo yene pilile mwa linako zani. Cwale . . .

63 Kono na sweli kusinya sibupiwa aa buhedeni zazi leliñwi, ni ku bulumuna kupwaca aletare ya buhedeni, mi nekuna ni kota ya butokwa ye kenile yene tomiwa fa aletare ya buhedeni. Mi na sweli kulema kota ye kuiwiseza fafasi, mi buñata bwa bene ba yemi kwa matuko ne ba sa lumelelani ni yena. Ki hali, “Haiba Ni muuna wa Mulimu . . . Mu ni tamelele ko ku sikamezi kota yani mi kota ini wele fahalimu. Haiba Ni muuna wa Mulimu . . . Haiba Ha ni muuna wa Mulimu, kota ika ni bulaya. Haiba Ni muuna wa Mulimu, Mulimu waka wakona ku ni pimisa kota yani iwele

kusili.” Ki taba kwa tata! Mi se ba kala kulema kota; mi kota ha ikala kuwa, ya potoloha kufetuha ni kubulaya bene ba buha. Mulimu a i fetulela neku lelelinwi la lilundu. Ki makazo! Oh, linako kufela ne kubanga limakazo mwa mukopano wa hae.

⁶⁴ Makazo yeñwi yene Ni hupula kubulela ka yona, neli ya mbututu ya na shwile ya na i lo lobala fahalimu. Mi a zuhela kwa bupilo hape, kasumulaho amano lapelela mbututu yo fa nako nyana.

⁶⁵ Yeñwi ye utwahala bunde kuna, neli mubusisi. Mi na ya kwa kubulaya babañwi ba sicaba sa Mulimu babatezi Moya o Kenile. Mi eeni sha nali yena ya—swanela fa bubishopu bwa keleke ya Rome, ka nako yani, mi mane nali pope a si ka bizwa kale pope. Libizo la hae neli D-a-m-a-s-u-r, mi na sweli kubulaya Bakreste kaufela ba na kona kufumana ni ku ba bulaya. Mi—mi musala mubusisi yoo, neli muhedeni, ni lififi ne li kwahezi pilu ya hae.

⁶⁶ Mi cwale yena Muhalalehi Martin ya kenile yo hana kupa ka kulapela, musala hae alika ku mubonisa kuli a kupelekwateni Bakreste ka litapelo basike ba bulaiwa. Kakuli, ha nailo fita ku yena mafelelezo, ne li si ka mu tusa sesiñwi, kakuli nali fela mubakweli wa musebezi ku pope yoo; kona kuli abula Bakreste babatezi Moya o Kenile bani nihakuli cwalo.

⁶⁷ Kono Muhalalehi Martin na bata kuba ni lipuzo ni likalabo ni yena, mi balibeleli ba mu tuhelisa fa munyako. Kihande, Muhalalehi Martin awa ka pata ni kulobala fani mane a lapela ku Mulimu kufitela Mulimu a mubonisa kuli wakona kukena. Ha yo nanuha fateni, a ya kwa likwalo ze ne kiyilwe zani mi za ikwaluhela fela, akena mwahali.

⁶⁸ Cwale, ze ki litaba za kale, yo ha ki mutu fela ya ñola ka yena, mi fa nako nyana fela . . . Haiba kuna ni sesiñwi, na ka akaleza fela, haiba ne kukaba ni lingambolo zeñata hahulu za keleke; kamba, Ni bulele kuli, mwendi mbweshwa, sihulu keleke ya za bupope, ne ba sa bulelangi lika zeo. Kono, mwabona, litaba za kale lipatulula niti. Mwabona?

⁶⁹ Mi muuna yo aya kwani, Muhalalehi Martin, mi fa kaufi ni mulibeleli kaufela, ni lika zeñwi kaufela, ku yo punya fapila mubusisi. Mi mubusisi na sa lati ku kuteka mutanga Mulimu. Mwa ziba, kuli—kuli ha ki—ha ki kuya ka ngana ya likute. Kona kuli a sikulula fela toho ya hae mi atokwa ku mu kuteka. Mwa ziba Mulimu za na ezize? A lika ku ambola ni yena kono yena azwelapili fela ku sikululela toho ya hae kusili, mi Mulimu na ka eza kuli muhedeni yo afe likute ku mutanga Hae. Kona kuli A tumbula mulilo, mi wa mu cisa fa sipula sa hae, wa mu nanula fateni, ku mu yemisa.

⁷⁰ Cwale yeo—cwale yeo kit aba ya kale ya Bibele, *Nicene Council*. Nana ni ku kuteka mutanga Mulimu; A mu yemisa kuyakuka. Mane wa cisa ni sipula fa na inzi; mulilo wa kena mwa mubili wa hae mane wa cisa sipula kwatasi, mi atula kuzwa fani.

Mulimu una ni nzila ya kueza lika ka yona, mwa ziba. Uh-hum. “Mulimu wa kona ku zusa bana ba Abrahamama kuzwa kwa macwe aa.” Mi mwa hupula, yena Mulimu ya swana yani u mwahala luna busihu boo. Ki yena Mulimu ya swana. Ku lukile.

⁷¹ Mi cwale nto yeñwi ye Ni tabela, ni kipeto Ni ka yema. Nina ni zeñwi fa, kono Ni ba . . . Cwale ye ki iliñwi yene Ni lata hahulu, ha na libelela sicaba sa hae zazi leliñwi, mwa litapelo za mwa muzuzu wa kubala kwa hae.

⁷² Mi yena—yena nali muuna yomutuna, mi a lwala keleke yetezi Moya o Kenile yani, ni ku lu kauhanya . . . Oh, na li . . . ni bona inge batezi Moya, keleke ya hae kaufela. Mane ni mwahala naha ya bona kaufela, Bakreste ba eza limakazo ni lisupo ni ze komokis.

⁷³ Mwabona, Mulimu ubulela ku mulumiwa wa Hae, mulumiwa ubulela kwa keleke. Mi cwale zeo kona ze ne ezahalile, mwa bona, U—U beya keleke ni yena kuswana ni Mulimu; mwa bona, Moya o Kenile unzo zamaya mwahala sikwata se.

⁷⁴ Linako zeñata ha ne ba bulaiwa, ba yemisa mubuleli mwahala bona (sina *cwalo*) ni ku ba bulaya kaufela ka nako iliñwi. Mi ha ki bumaswe ni boo bo ne ba ezize kwa sicaba sani! Ba ba cisaka. Ba nga baana ni ku ba kokotela ka . . . fa misumo, mi ba tamulula maakanyani, kamba . . . mi a ba ca kwa mulaho, kuhoha mala mutu a si ka shwa kale. Kunga basali, ni ku pumaka kwateni lizwele la silyo, ni kuba yemisa fani pilu inge isa nata, ni kulota mali kufitela ba wa ka pata, inge ba shwile, ona cwalo. Kuamuha bana kwa bashemi ba bona ni ku ba nepela kwa likulube ni lifolofolo zeñwi, bo maa zona inge ba talimezi fela. Ni mifuta kaufela!

⁷⁵ Cwale, ha mukoni kunahana kuli batu baba bulela Bukreste ne ba ka eza cwalo. Kono amuteeleze, Biblele ibulezi kuli, Jesu naize, “Mane ku ka ba kuli ba ka mi bulaya, ka kunahana kuli baezeza Mulimu sebelezo.” Mu hupule, yena Jesu ya swana yana bulezi cwalo, ka ona Moya o swana, u li bulezi hape mwa nako ya maungulo. Li na ni ku taha. Haiba nji litaba zeñwi ze kaufela li ti lo tamahana hande ni Mañolo, mutalime mi mubone haiba halina ku zamaelela hamoho ni Mañolo mane ni mwahala litaba za kale. Mulimu naize li ka ezahala, ki le likande le li bulela kuli ne li ezahalile; Mulimu na ize ne li ezahalile kwanu, mi ki fa fo ne li ezahalezi. Mwabona, na cwalo fela ka swanelo. Mi cwale ki sikamañi se lu ka eza ha lu ka fita mwa Lusika lwa Keleke ya Laodesia (mwabona, ili mo luinzi cwale) ni bumai ni lika kaufela ze bulezwi ka lona?

⁷⁶ Kifohe, cwale, mi se, nali mwahali mwani inza lapela kopano ya hae inge i libelezi. Mi nekuna ni mukunyandela ya natile fa munyako wa hae, mi ki ha lwalula sikwalo (mi na patehile), mi a mubulelela kuli na bata si—si apalo. Na li mapunu kufitela

atokwa sika, ne ku bata, mi ki hali. . . A mu luma ku yo bona dikoni yomuhulu. Mi dikoni yomuhulu a mu nyemela mi amu lelekisa. Mi a sino eza cwalo, za ya ni kukuta, ayo kuta hape ku to Muhalalehi Martin kakuli di—di kuli di—di dikoni na mu lelekile.

⁷⁷ Mi kacwalo he, ka yona nako ye, dikoni yomuhulu yo akuta mi amu bulelela ka buhali, ali, “Kopano ya hao i ku libelezi! U sweli kubainisa inge ba ku libelezi!” Kono nali mwa litapelo. Ku hande kuli aine mwa tapelo kufitela Mulimu amu etelela kuli a zamaye.

⁷⁸ Mi mukunyandela yo akutela kwa sikwalo. Mi Muhalalehi Martin anga sapalo sa hae mi a si fa mukunyandela yoo, mi nana ni—ni—ni dikoni yomuhulu ya na ilo nga sesiñwi kuli amu tiseze. Kacwalo na ilonga sapalo sesiñwi, nihakuli cwalo, mi a sibeya ku Muhalalehi Martin. Mi a apala sapalo se sinyinyani fapila sicaba bakeñisa sapalo sa hae.

⁷⁹ Mwabona li bonisa fela kuli: mufange zende ze munani, bupilo bwa hao, ufe nako ya hao, ufe lika kaufela ku Kreste. Mi ona Moya oswana o no pila ku Kreste wani, upila ku wena, mi—mi susumezo ya hao kwa sicaba so pila mabapa ni sona ni sicaba so ka talimana ni sona, ukaba hahulu sina Kreste kufitela ubeleka mwa mukwa o swana inge Kreste mwa na ezelize.

⁸⁰ Ka kufeleleza ku ka ezahala kuli sicaba se ne sili mwa miluti mi sa foliswa. Yeo—yeo ki niti, ki mata fela a lilato lelili ku bona. Mi ba bulela kuli “Mi Muhalalehi Martin ha na kutaza, ha sa tile ni sapalo sa hae se si nyinyani cwalo, mane kopano kaufela ya lemaha lumonyi lwa Liseli fahalimwa hae.” Uh-huh. Mwabona? Mwabona, kakuli na ezize nto ye lukile.

⁸¹ Kamita muezange ze lukile, musebezi wa hao ku Mulimu; munahane hande, wo ki musebezi wa hao; mi una ni kutaha hande. Yeo ki niti, una ni kuba fela cwalo.

⁸² Cwale, lu bata kukalisa cwale ka kulika kunga taba ye ka mayemo a yona mwa taluselizwe, busihu boo, kakuli lisweli kotalimiwa fa ka kutiya hahulu.

Cwale, kwa lingeloi la keleke ya Pergamosi uñole; Kize litaba za bulela yana ni mukwale o lozizwe kafa- . . . mukwale . . . o lozizwe kafa ni kafa o buhali;

⁸³ Cwale Ni bata kuli mulemuhe Usweli ku itibahaza Iliyena hape busihu boo kacenu mwa Bulimu. Keleke ifi kaufela neli iliñwi ya buino bwa Hae bwa kanya: yena Yana ni linaleli ze lishumi ni zepeli. . . kamba “linaleli ze sebene mwa lizoho la Hae, Ya sweli mukwale o ozizwe kafa ni kafa o buhali,” mwabona, ki nto yeñwi, “Yana ni mahutu a sipi, meto a zwa. . . malimi a mululo.” U sweli ku itibahaza Iliyena kukutela kwa Bulimu bwa Hae.

84 Cwale muli, “Bulimu bu kai mwahala litaba ze, ‘Yana ni mukwale o lozizwe kafa ni kafa ozwa mwa mulomo wa Hae?’”

85 Kihande, *mukwale* ki “Linzwi.” Maheberu 4, lu li ngile makalelo ha ne lu talima fa Bulimu bwa Hae ku shetumuna cwalo. Mukwa, lu fumani mwa Maheberu 4:12, kuli nali, “Linzwi la Mulimu le li mata kwa buhali inge mukwale o lozizwe kafa ni kana.” Kana ku cwalo? Lani ne li Linzwi la Mulimu. Kana ku cwalo? Cwale amutalime, una ni . . . lube ni litoloko zee. Cwale ha mu talimisize Linzwi lani, Muhalalehi Joani 1, “Kwa simuluhó” (kwa mulaho kafoo) “nekuna ni Linzwi lene li bupile lihalimu ni lifasi.” Kana ku cwalo? “Mi Linzwi ne lina ni Mulimu, mi Linzwi neli Bumulumu. Mi Bumulumu bwa ezwa nama ni kuyaha mwahala luna.” Kana ku cwalo? “Linzwi la ezwa nama mi la yaha kuluna.”

86 Mi ki Yo uyemi fa, ki Yena kwa simuluhó, “U bulelela lingeloi la keleke ya—ya Perga- . . . Pergamosi. U mu bulelela kuli, ‘Kina Linzwi la Mulimu.’” Oh, lu Mu bona hape mwa Sinulo, utaha ni sapalo sa Hae se si cimbekilwe mwa mali, mushukwe kwa toho ya Hae, inza pahami fa pizi yesweu, mi fa silupi sa Hae ne ku ñozwi kuli, “Linzwi la Mulimu.” Oh, Na lata cwalo. Ki yena Linzwi, Linzwi la Mulimu. Kona kuli lu bona Bumulumu bwani cwale kwa simuluhó, kuli aitibahaze Iliyena, Ki yena Linzwi.

87 Cwale, haiba ki Yena Linzwi lelipila, konakuli Se si ñozwi mwa Bible ki siemba sa Hae; kona kuli haiba mukona kuamuhela Se, ku Yena (ili yena Linzwi), Linzwi le litaha ku wena ka tumelo, ku Li eza le li pila, kakuli li . . . Oh! Muswale Seo! Linzwi li taha ku wena, haiba Moya o Kenile u mwateni, ki le lipila li sa kena fela mwahali, mi sepiso kaufela ki ya niti. Hakuna . . . “Kabakaleo, ha mu ka bulelela lilundu leo kuli ‘Shimbuluka,’ mi mu sa kakanyi mwa pilu za mina.” Kakuli (sikamañi?) wena u bulelisa ka Bumulumu. Mwa lumela cwalo? Bible ibulezi cwalo. Mi kaufela so bulela si ka ezahala ha u sa kakanyi, haiba ukona kuba ni—ni lifasi le li pepilwe ku wena, kipeto Moya o Kenile u ku eza kuba mwana mushimani kamba musizana wa Mulimu: hakuna lifasi, hakuna nyazo, hakuna kukakanya. Ki sikamañi seo, kanti? Ha isali za hao nihanyinyani, ki Mulimu mwahala hao. Kipeto u nge Linzwi la Hae, Ki sepiso, mi muli, “Ndate, ki sepiso ya Hao.” “Satani, . . .” Sesiñwi si na ni kushenya. Mwabona? Mwabona?

88 Cwale, haukoni kuezwa cwalo konji Mulimu ha li patuluzi ku wena ni mo li lukela kuba lika zeo. Mwabona? Mi ha u so zibile litaba mo li lukela kubela, kipeto u ka bulela lika, sina Jesu. Na li *yena* Linzwi. Kana ku cwalo? Mi kanti Jesu, ali mutu, ki tabernakele, ali, “Hakuna se Ni eza konji haiba ki Ndate ya Ni bonisa zona pili.”

89 Kipeto ha ki Linzwi fohe konji haiba li bonahala ku wena. Mwa utwa nji? Ki kabakaleo batu bali “mazazi a limakazo a

felile,” Linzwi ha li si ka bonahala kale ku bona. Kona ha ba sa lumeli mwa Moya o Kenile, Linzwi ha li si ka bonahala kale ku bona. Ki kabakaleo ha ba sa boni sinulo ya kolobezo ka Libizo la Jesu Kreste, Linzwi ha li si ka bonahala kale ku bona; mi ni teni habana Liñolo ni le li kana la kuya ku lona, hakuna sibaka ko mutu kaufela akile a kolobezwa ka nzila isili sili fela.

⁹⁰ Ka za Moya o Kenile, Bibebe ibulezi kuli “Hakuna mutu yakona kubiza Jesu kuli ki Kreste, konji ka Moya o Kenile,” mi kipeto batu ba bulela kuli Moya o Kenile ha u si ka luka. Mwabona? Mwabona, ha u si ka eziwa ku bona. Jesu naize, “Hakuna mutu yakona kutaha ku Na konji Ndate Ha mu biza pili. Mi kaufela ba ni file Ndate” (tensi ya kale) “ba Ni file Ndate baka taha ku Na.” Oh, ha ki nto yende yeo! “Kaufela bao Ndate a Ni file, ba ka taha ku Na. Hakuna ni yomukana wa bona ya ka lateha kwanda mwana wa sinyeho, mi Ni ka . . . (na pepezwi ona libaka leo), mi Ni ka mu zusa ka lizazi la mafelelezo.”

⁹¹ Oh, mawi! Mwani kona mo kubeilwe mabizo a luna mwa Buka ya Bupilo: kuzwa kwa simuluho ya lifasi. Seo ha ki sesinde nji! Lukona ku kakanya cwani zeo?

⁹² O Mulimu, zwisa ku kakanya mwahala luna, kenya mwa mupato fela lipilu za luna ze shebile mane kutokwe kuba ni kukakanya mwahala luna. Yeo kona tapelo yaka. Zwisa fela kukakanya kaufela, Mulena. Tuhela kuli nipile hamunati, ka ku ikokobeza, ni kuzamata sina—sina ngunyana ya Mulimu mwa lifasi. Tuhela—tuhela ni zamaye sina mwa Na zamaezi. Tuhela ni bulele sina Mwa bulelelanga. Milelo yaka ibe sina milelo ya Hae. Tuhela—tuhela nibe . . . Tuhela babañwi ba fumane Jesu ku na. Tuhela na ni latehe kono ni fumane, Mulena, ku Wena. Kona cwalo, tuhela fela ni latehise lika kuna kono ni li fumane ku Wena; ku ipeya fela hahulu ku Kreste kufitela kutokwa kuba ni sibaka sa kukakanya, ki lika Za bulela fela.

⁹³ Cwale, u si ke wa zwela fande ni kubulela kuli, “Kanya ku Mulimu! Haleluya! Kulumbwe Mulimu! Mwabona se Ni kona kueza? Kanya ku Mulimu!” Ha u na Sika ni teni. Cwalo ha ki cona mwa Na ezelize, batili, ku fumbulela mbando ya Hae fande ni kubulela kuli, “Mwabona ze Ni kona kueza? Eeni, sha. Ki na wa kul- . . .” Batili. Na si ka ikungela milumbeko fo ku sina sika, Na i file ku Mulimu mi a zamaya ka kuikokobeza ni ka munati, ni moya o fuka cwalo ku Yena kufitela sicaba ha si Mu lata. Konji lila za Hae fela . . . Mi A ba lata hahulu kufitela mane A ba lapelela ka tundamo, ka nako kaufela. Mi wani neli mutala wa mina, mutala wa ka, kuezeza ku babañwi sina mwa Na ezelize ku luna.

⁹⁴ Cwale, lu bata ku lemuhla kulo fa hape cwale, mwa timana ya 2, yeo ilukela kuba ya 13:

Ni ziba misebezi ya hao, ni—ni fo kuyahile, mane . . . ni fa sipula sa Satani . . . ni kuli u sweli libizo laka katata, mi ha u si ka latula tumelo ya ka, . . .

95 Mwabona, ba pila fo kuinzi Satani, mi ni cwalo ba sa buluka Libizo la Jesu. Mwabona, “Mi ha mu si ka latula tumelo ya Ka.” Ki tumelo ya mufuta mañi ya Na ba file? Tumelo ya Pentekota, kwa simuluho. Nebana ni tumelo ya Manikolai kwani, kopano ya keleke, ni zeñwi cwalo, ne ba sweli kuyahanga, keleke ye ne taha mwa kubonahala mwatasa kopano; kono Yena ali, “Mu zwile ku zeo, mu li toile, mi ni Na ni li toile. Mi ha mu si ka latula Libizo la Ka; ha mu si ka ya ka milapelo ya bona ya mioya ni lika zeñwi, mu inzi hande kulibana ni Libizo la Ka. Mi mu sa kumalezzi tumelo ya Ka sina kwa simuluho.” Oh, Na lata cwalo!

. . . ha mu si ka latula tumelo yaka, mane sina bani mwa mazazi mokuna ni . . . (Ni sepa mu bulela libizo leo kuli A-n-t-i-p-s) . . . Antipasi nali mulutiwa wa ka ya sephala, ya bulailwe mwahala mina, mo ku pila Satani.

96 Ni ka yemela foo pili fa muzuzu fela. “sipula sa Satani.” Lu bata kueza lika zeñwi fa litaba zee, Ni bata kuli mu Li lemuhe. Mubone hande kuli mwa eza cwalo, cwale. “sipula, sa Satani.” Cwale, Mulimu na bulezi mwa Genese mo ne kuinzi sipula sa Satani, mi mwani ne li mwa Babilona. Kamita ibile sipula sa Satani, mi mwa Sinulo ne li nto ye swana. Kono, haiba mu lemuha, Babilona ne icincizwe kwa kuba *buhedeni* mi seiba ya “bupope.”

97 Mi cwale mwa myaha ya makalelo, kamba se si si ka ezahala fela kale (myaha ye likani), sipula sa Satani sa yaha butuna . . . Ni sepa ne mu ka mubiza kuli mupri- . . . mulena-muprisita wa Makalade. Mundandwe wa litulo za Babilona wa cinca sipula sa hae fani ma Peresia ha ba mu zuma, mi a saba mwa Babilona. Libizo la hae neli A-t-t-a-l-u-s, Attalus, mulena-muprisita yomutuna wa Babilona. Mi ma Peresia ha ba taha ku to hapa Babilona, ba matisa Makalade; Attalus, yena mulena-muprisita wa bona, amatela ku yo nga sipula sa hae mwa Pergamosi. “Fa *sipula sa Satani* kona fo u inzi.” Mwautwa kana?

98 Cwale, kona ha Ni kutile mwa mulaho ku yo nga litaba za kale za keleke, kufumana koo . . . ne kubile likezahalo ha Na bulezi kuli, “U pila fo kuinzi sipula sa Satani.”

99 Na hupula kuli, “Kihande, sani sikona kuba kai, ki nto yeñwi, ‘sipula sa Satani?’” Mi Ni fumana kuli yena mulena yomutuna yoo, hana sweli kusaba ha feza ku koma ma Peresia ba na hapile (kuya ka pono ya Daniele), ataha mwa muleneñi wa Pergamosi woo, kwa Rome, mi teñi a yaha nkambe ya hae yetuna. Satani a tutisa nkambe ya hae kuzwa kwa Babilona ku isa kwa Pergamosi, koo (zakwapili) na ka yo toma Babilona yenca. Oh, mawi! Cwale mu utwisise makalelo a litaba fo lu inzi. Ku lukile.

100 Cwale, mi teñi a bulaya muzwale yomunde yoo, na bulaezwi ona kwani, Antipasi.

101 Mi ha cinca mubelekelo wa hae. Sapili na li munyandisi wa Bakreste. Oh, mwa na toezi Bukreste! Mi nali muprisita-mulena yena kasibili, muhedeni ka sibupeho ni ka musebezi. Mi ki ha cinca mubonelo wa hae wa lika ni ku tamahana ni Constantine.

102 Constantine na buziwanga nako kaufela (mi kacenu seli pope) makalelo a baika ba Knights of Columbus, cwale, yena yana file buitamo bwa kusulula mali bwani. Kono Constantine (Ni bulela litaba ze ka tokomelo ni likute), ka mukwa waka wa kubala hande litaba za kale za hae, na si ka baka ni hanyinyani.

103 Cwale, a lola tolo busihu bobuñwi, kuli haiba na . . . a bona sifapahano, mi a bulela kuli ka sona na ka koma ndwa; mi ni . . . kakuli na sepisize lituso kwa Bakreste, kuli na kaba Mukreste, hane ba ka mu lapelela kuli akome ndwa. Mi Na yema fa mutano kwani, ko ne abile ni . . . kwa buse bobuñwi bwa mutano, na lobezi, mi a lola tolo ye; ni ku zuha, mi a swanisa sifapahano se si sweu fa litebe za hae ni za limpi za hae. Mi kwani kona ko ku zwelezi bahali ba Knights of Columbus ili zeli mwatasi kuhatelela kwa ba Roman Catholic. Kono ali kuba aeze nahaiba nto iliñwi ya bulapeli; nto fela ya na ezize ye ñozwi mwa litaba za kale, kuya ka mo Ni bonezi, neli, na beile sifapahano fa situwa sa Keleke ya St. Sophia. (Huh!) Kono yena na li wa lipolitiki, mi ha na li mubusisi wa Rome ka nako yani, yena ni muprisita wa buhedeni yo, hamoho, ba swalisana ni kutisa mwateni keleke ye enya fela yebizwa Manikolai ka nako yani. Bukreste, bo ne bu yendamezi fa buprisita, mi ba li bata mwa keleke ya bona, ze lu talimile mwa linako za kwapili za keleke ya Efese, ni zeñwi cwalo, ni—ni ya Smirna; Manikolai bani.

104 Cwale Manikolai ne be ba bile ni . . . isiñi “likezo” inge mo ne kuinezi kwa mulaho kwa simuluho *fa*, kono *fa* cwale ki “tuto.” *Fa* cwale ne li “likezo,” ne ba lika fela ku li kenya mwateni; kono haili mwa lusika lwa keleke ya bulalu lo ne se “lituto,” buprisita babahulu, mitangana babatuna. Ne ba si ka ba biza kale mapope ka nako ye, cwale; kono ne ba bizwa, kuli, mabishopu babatuna, mitangana babatuna, mwa ziba, mangwangwa. Mi tuto ya bona neili, neili, ne li ya sihalihali.

105 Ne basweli kuba kwahule ni Keleke yetezi Moya, ye zamaiswa ka Moya o Kenile. Ba ba tuhelela kukena mwahala babanyinyani ni kuba biza kuli “babasa lumeli,” kakuli ne ba sa lumelelani ni bona ka kuba ni likopano zetuna zee. Kono Keleke neibata kupila ka ili ye lukuluhile kwa buzamaisi boo, mwatasi mata Moya o Kenile sina Krete mwa na ba sepiselize; Na kaba ni bona, mi yani neli Mulena wa bona. Oh! Mulena wa bona!

106 Keleke ya niti ha i si ka cinca kale mubonelo wa yona, isiñi ku busiwa ki katengo kakañwi ka—ka . . . Ha ni zibi mo mu li bizeza kwande kafoo, baika ba bulapeli, ni mabishopu, ni mapope, baba

sa palelwi. Lu lumela kuli kuna ni fela Alimuñwi ya sa palelwi, Ki yena Mulena luna, Ki Jesu Krete yali ni luna cwale mwa mufuta wa Moya o Kenile; Mulimu ku luna, yapila mwahala luna, u luzamaisa ni ku lu isa kwa mezi a Bupilo, unza itibahaza ili Yena; kubonisa, sina mwa Na ezelize mwahala ba bakenile ba kale bani ni babulaiwa, kuli Nali yena Mulena Mulimu wa zebupilwe, inza folisa bakuli, kuzusa bafu, kubonisa lipono, ku leleka mioya ye maswe.

¹⁰⁷ Hakuna nihaiba nako iliñwi ye Ni kona ku inyaza fa nto iliñwi, mwahala mabishopu kaufela ba keleke ya Manikolai yene ezize mundandwe wa baluti ba Rome, ki pope; hakuna nihaiba nako iliñwi mwa litaba za kale fo kuna ni piho kuli mabishopu bani bakile ba zusa bafu, kamba nto yeñwi ye cwalo, kakuli Krete (zuho) ne li siyo mwa lipilu za bona. Ba utwana mi ba kena mwa kopano, ba lekisa tukelo ya kupepwa kwa bona. Kono Keleke ya Mulimu ya pila ne ina ni mata a Krete, keleke yeñwi neina ni baika ba lituto zetuna mwahala yona; kono Keleke ya niti ya ina ni Moya. Kana mwa utwisisa? Ku lukile.

¹⁰⁸ Cwale se. . . Kacwalo Constantine, kuli atamahanye limpi za hae hamoho, ki ze za na ezize. A nga Manikolai bani, mi aya ku bona (ye neli mufuta wa Bukreste). Kana mwa li utwisisa hande? Ne bali Bakreste, mo ba bizezwa; baba bulela fela Bukreste, basina Moya o Kenile. Oh, Ni sepa kuli seo kambe sa nwela kuli musike mwa si tuhela kuzwa. Mwabona? Ne li Bakreste, Bakreste ba likopano, baba sina Moya o Kenile. Ne bali Bakreste ba libizo, ne bali Bakreste ka kukopana kwa bona hamoho, ne ba ca mulalelo, mi ba buluka ni milao; kono, ba hana zamaiso ya Moya o Kenile. Ne basina lisupo ni ze komokisa mwahala bona, ne ba bulela kuli lika zani ne li ezahala kwa kale; kuli nebana ni kutoma keleke ya kubusa. Lu ka kena ku zona mwa muzuzu fela, ki puso ya mufuta o cwani. Mwabona?

¹⁰⁹ Cwale, kona kuli Keleke ya Moya o Kenile neina ni kuba Kwahule ni lika ze cwalo. Kono, mwa Pergamosi, ne li supa fela kwa *lingeloi* la keleke ya Pergamosi. Mwabona? Kakuli Ne li musebezi wa hae cwale wa ku eza cwalo.

¹¹⁰ Kono Constantine na si ka tokomela za Bukreste, na bata kutisa za bashemi ba hae ba buhendeni, keleke ya hae ya buhedeni. Mi ni Laodesia yene itomile hande ka mibisi ni. . . kamba Manikolai bene ba se bile ni mibisi ni kutiya hande mwa Rome mi ne se ba bile ni ponahazo yetuna, mi batu buñata nebali balumeli ba Bakreste (mone ba ipizeza), ba sihalihali. Mi haili Keleke ya niti neili mwa bunyinyani fela; neili cwalo kamita mi ibile cwalo ni cwale! Ni ka libelela fela fa muzuzu, seo ha si nwele hande mwahali. Mwabona?

¹¹¹ Muhupule, Keleke ya niti kamita ibile sikwata nyana fela se si ketuluzwi mwa likeleke zeñwi. Keleke ya niti ya li kuba iongaongiwe, kakuli ha ki katengo, ki Mubili wa kunutu wa

Jesu Kreste o pila mwa lifasi, Moya o Kenile u zamaya mwahala ma membala baa. Kona kuli hamukoni ku ongaonga Kreste, hamukoni kueza cwalo. Ni bata kuli mukumalele ku zeo mwa Lusika lwa Laodesia, cwale. Mi muhupule cwalo ni kubuluka cwalo, kakuli Linzwi kaufela le Ni bulela li beilwe fa tepi ye. Mi cwale ha muhupule, mubuluke zeo mwa booko: Keleke yaniti ya Mulimu yali kuba iongaongiwe.

112 Keleke ya Katolika kona katengo kapili kaka zibiwa mwa lifasi, kwali kuba kube ni katengo fateni, mi ki—ki yona “mahe wa likeleke” sina Makatolika mo ba bulelela kuli ki yona. Ki yona “mahe wa likeleke.” Mahe wa katengo ka likeleke. Biblele ibulela kuli nali cwalo, kona kuli hamukoni ku kanana ka Zeo. Ha ba bulela kuli “Ki yona keleke ya mushemi,” ki mahe wa likeleke. Ya bonahala cwalo mwa Sinulo 17, lu ka fita ku yona ka swanelo. Ku lukile.

113 Cwale, konakuli Constantine, ka sona seo mwa munahano wa hae kuli a tiiseze limpi za hae (sina Rome mwa na ezelize, kuli aswale linotolo kwa lifasi), na kenyize mwateni milelo ya buhedeni ya hae ni ku zwise mwateni milelo ya Bukreste, mi a mukwa o muñwi a likopanya hamoho, ku li tamahanya hamoho ni ku ipangela mpi ye ne si ke ya swana ni yeñwi. Mwabona? Kakuli bakenisa kuli na li. . . Zeo ne li ka mu eza kuba mubusisi yomutuna hahulu mwa lifasi, Constantine.

114 Mi hailu kuya ku za cincho: nali—nali wa litaba za naha, kono isiñi ya kenile wa Mulimu, sina babañwi mo ba likela ku mu ezeza. Na si cwalo! Hakuna nihaiba nto iliñwi ya na ezize ye ne utwahalile sina Bukreste ku na. Kona kuli fa likeleke za Manikolai abeya fateni sifapahano; mi kuya ka sika kaufela sa na ezize sene si bonahala inge Bukreste, Nali kuba ni bone ni se si cwalo; kwanda kuli. . . busihu bwani na li swanize fa litebe zani kakuli na bile ni tolo, Bakreste ne ba mu lapelela kuli a kome ndwa.

115 Cwale, konakuli ne li ka tiisa limpi za hae. Mi cwale ka kueza se, a kenya mwateni mikiti ya buhedeni, kutaha mwa Bukreste bwa keleke ya Manikolai. Ni ka li biza kuli keleke ya sihalihali ye ne pangywa. A tisa mikiti ya buhedeni mwa keleke ya Manikolai yee, mi kwani neli kupepwa kwa Bukatolika.

116 Cwale, muzwale, Ni bulela ka litaba za kale. Nina ni likitikiti za balikani ba Katolika, mi ki balikani kuswana fela sina balikani ba Baipanguli mo ba inezi. Kono Baipanguli habakoni kuhuwa, mulibelele fela kufitela busihu bwa kacenu bufela, mwabona. Mwabona? Ba ka bona kuli ne ba ezize lika zeswana luli. Poto haikoni kubiza ketele “masila.” Mwabona, kakuli ki—ki nto yeswana fela, moya o swana wa kena mwahala bona. Mi kipeto mu ka bona libaka ha Ni sweli kunyaza taba yateni. Kakuli ifosahalile! Ona Moya oswana ku na, haiba Ni lika cwalo,

mi sesiñwi ku na sa huwa, Hani koni fela kukuza ka zeo, kamita ni cwalo. Ba biza . . .

117 Baana babatuna, baeteleli babatuna ba bulapeli ba ni bulelezi kuli, “U ka sinya bulumiwa bwa hao. Muzwale Branham, u eza lika” bali, “wo—wo ha ki musebezi wa hao. Mulimu u ku bizelize ku lapelela bakuli.”

118 Mulimu u ni bizelize zetuna zefita kulapelela fela bakuli. Bakuli ki nto iliñwi fela ye Ni kona kuswala kuebelelwa kwa sicaba, mi kihona; bakuli, ku lapelela bakuli ki nto yenyinyani. Mwabona? *Liñusa* kona le lu ambola fateni. Lika zani za kuta mwa mulaho; kukula, muuna, mutu ya kula wa kona kufoliswa ni kushwa hape. Kono haili mutu ya pepilwe ka Moya wa Mulimu una ni Bupilo Bobusafeli. Konakuli Mulimu ha zamaelangi fela kufolisa bakuli cwalo. Mpo yeo iteni mwa mubili wa keleke ya mwa sibaka; alimuñwi fa, mi ni yomuñwi, mi hape ni yomuñwi, mi ni yomuñwi hape. Mwabona? Zeo, limpo, zeo li ezahalelanga fela mwa keleke. Kono Li fitelela foo, mi Ni sepa kuli mwa Li utwa. Ku lukile.

119 Kupepwa kwa Bukatolika, fa kueza cwalo, kuswala me—me meto a Bukreste mi hape ni meto a buhedeni, kuli a li tamahanye hamoho aeze keleke iliñwi.

120 Oh, Ni sepa kambe Ni na ni zeo cwale, kaemba ka pampili ka na ñozi mutu yomuñwi busihu bobuñwi faa. Ne ni lukela kutaha ni kona, mi Ni ka libezi; kuna ni lika zeñata hahulu ze li mwa muzuzu mwani. Ba sweli kueza lika zeswana luli ona fa cwale, mi ne mu kalile ka nako ye mu keta mutu wa pili. Ba sweli kusebeza cwale kuli bafumane Bibehe ye si ke ya filikanya ba Katolika, kamba Majuda, kamba Baipanguli. Ba ka panga Bibehe ye ka kwana lika kaufela. Kikuli ha mu boni butali bwa Constantine usili hape? Litaba za kale lisweli za kutakela fela. Cwale, mwa bona, mi Ni na ni. . . Ne mu ni utwile ha ni bala za yona busihu bobuñwi, nji cwani? Mi Ni—Ni na ni zona liteni kwandu, mi ba bile ba sebeza ka zona fa nako yetelele luli.

121 Cwale ba bulela kuli, “Mwa '62 ba ka. . .” Mi mulemuhe kuli Pope John XXII utile- . . . ukupile kuli likeleke zenyinyani kaufela litahe kwa keleke ya mushemi. Musike mwa bilaela, ika kuta. Ba ka kuta! Ika eza cwalo, ba kutile hale. Ha ba lukeli kukutela kwateni, bakeni mwateni kale cwale.

122 Sina ha Ne ni bulela kuli, “Naha ye ibulezi kuli, ‘Kihande, haiba Bo. Kennedy ba ketiwa, ba Katolika ba ka hapa.’” Ku hapa? Ne ba kile baeza cwalo kale kale kafoo, mi hakuna ze ne muziba ka zona. Ki mañi ya holisa baluti ba bona? Ba nga cwani lika zeo kuya mwa likolo, ni kuluta Bukatolika mwa likolo? Mi ni mina baba lifa mitelo musweli kulifa ka zona. Oh, mwatasi lingo za mina, mwabona, ona cwalo. Oh, mawi, mwa na belekela! Mi Bibehe ibulezi kuli uka linga ka muikuhumuso, mi uezize cwalo; mwabona, yeo ki niti; mwabona, kulifa mitelo fo kusina.

Konakuli, oh, ki zeñata hahulu ze kona kubulelwa kulo foo. Ni ka siya fela zeñwi za zona, ni kukutela ku li nga hape.

¹²³ Fa kuli lika ze li beleke, Constantine a toma lika zeñata hahulu za minyaka ya lifasi kuli aswale ngana ya bahedeni ni Bakreste hamoho kukena mwa keleke. Kana muna ni ngana ya moya? Kana mwa nahana nji? Kikuli leo ha ki lona Liñusa la Hola? Keleke ina ni lipapali za bunco, mikiti, limota za kufa fela mahala, ni kulikopanya fela hamoho. Ku tamahanya mata ani hamoho kufitela ba ba ni sibaka se si tabisa. Ona fa sibaka se faa.

¹²⁴ Cwale, zeo ki litaba za kale, yomuñwi hana—hana silepe sa kulemisa, u bulela fela ze ezahalile. Kono na nani sona, ba tamahanya keleke hamoho ka minyaka ya lifasi, kuli batise hamoho keleke ya Manikolai. Cwale muhupule, na si ke a swala Keleke ye pepilwe sinca yani. Batili, sha, kutokwa nihaiba iliñwi ya zona. Kono keleke ya sihalihali ya Manikolao ya kena ku zona.

¹²⁵ Mi luna ni sikamañi mwa likeleke za luna za Baipanguli? Milalelo ya malyalya, lipapali, kupahama fa mabala a mawili, (Oh, mawi!) kulekisa masila a liapalo, ni lika zeñwi kaufela, mwabona. Cwale, mu ziba kuli yeo ki niti. Kihande, cwale, haiba leo—haiba leo ha ki Linzwi la Mulimu, balikani, ki yona Niti. Mi likeleke za Baipanguli kaufela lina ni mulatu! Mwabona?

¹²⁶ Cwale, kwa li kuba mulelo wa Mulimu ube—ube wa kuba ni milalelo ya malyalya ni kubinela mwa malibela, ni lika kaufela ze ba zwelapili ka zona, kuholisa mulisana wa keleke ni lika zeñwi cwalo. Haiba batu ne balutiwa fela kulifa za bulishumi za bona, zeo ne li kaba zona fela mwahala bona. Wo ki mulelo wa Mulimu. Kono Mulimu una ni mulelo, kono ni yena mutu ubata kuipangela mulelo wa hae, ku zwakanisa mulelo wa Mulimu. Ku lukile.

¹²⁷ Cwale, ka kueza cwalo, ba utwana ni kueza za makalelo . . . ba panga keleke ya Katolika ya makalelo, kwa mafelelezo. Mi cwale kwa katengo kapili ka ba Nicene Council . . . Ha ne Ni balile zani, Na wa fela ka mañwele. Katengo kakatuna ka ba Nicene Council ne ka bile teñi ka A.D. 325, kaufela bona ba tiswa hamoho, mabishopu ni bashemi ba tumelo ya Bukreste ba tiswa hamoho kwa Nicaea. Leo kona libaka ha li bizwa kuli Nicaea Council, ka A.D. 325. Mi lindumeleti zekuma fa mianda ye lishumi ni ze ketalizoho za taha hamoho kwa—kwa—kwa mukopano, kamba kwa katengo, lindumeleti zekuma fa mianda ye lishumi ni ze ketalizoho, mi keleke ya aba fita kwa buñata mabishopu ba ketalizoho kuisa alimuñwi (mwahala lindumeleti); kono niteñi, kuya ka Manikolai (basihalihali baba enya) ni mulelo wa Constantine wa litaba za naha, ba hana kuketa Keleke ya niti mi ba koma, mi ba kenya mwateni mabishopu ba bakenile ni milao ya batu; kunga mo—mo Moya o Kenile kuzwa mwa mukopano,

ni ku libeya mwahala mabishopu, baika ba lituto, ni mapope, ni zeñwi cwalo.

¹²⁸ Yona kutwano ye fosahalile yene baeza ba katengo ka Tukuluhu mwa kalulo ye felile ye! Cwale, yeo ki niti. Cwale, halu cwalo. . . Ni ka. . . Mi ba Mitelo bona ba kusufalile hahulu mwatasi. Kono Ni bulela fa nto iliñwi yene ba bonisize (Edgar Hoover) mwa California, ni libaka zeñwi zeñata: nebana ni mishini ya kubotela yani fo ne mu ka botela Bo. Nixon, nemuka botela bo—bo Kennedy ka nako yeswana. Na sina kolo. Kihande, cwale bakeñisa kuli ne ba bonisize nto yeo kuli “ifosahalile,” kipeto kiñi ha ba sa ezi sika ka zona? Lu pila mwa hola, ya kuli, lu kwa nako ya maungulo. Ba ziba cwalo, li pakile kuli nebali mahata, mi cwale hakuna ze ba ka eza ka zona.

¹²⁹ Sani ne li sapalo sa bupumi kwa mulaho kwani, mi ki kwa kupepwa kwa sona hape: kuli ku kene ku mutu yomuñwi, kuli libe mwa tuto yeñwi cwalo; tuto ya Manikolai, yeneli fela sapili li—li *likezo*, cwale se ibile “tuto.” Mazazi a Al Smith ne lili *likezo*, kono cwale se li “tuto.” Uh-huh, uh-huh. Cwale ki ze faa, li fahalimwa luna. “Oh, uka ba mueteleli yomunde wa naha,” hakuna ku kakanya ka zeo mwa munahano waka; kiniti, mwa nako ya puso ya bubeleli yani, kufitela akona kutamahana mwateni, kunga ba sihalihali ba mahedeni ni Bakreste bao hamoho.

¹³⁰ Basweli kubeleka fa Libibele, ka kulika ku litisa hamoho, bao ki mapope, ki baika ba tuto. Mbishopu yomutuna wa England, bishopu yomutuna wa kwa Canterbury, Ne ni mu katani, na itumelisa mwa mazoho ni yena, na ambola ku yena, na kasibili, hane Ni li mwa England; masokisi a sikenelela atinile kutofita mwa linoka za hae, mi (Oh!) mutangana ya tinile ka mukwa o sehisa cwalo. Kono a yo pitela pope, nako yapili ye ne ba potezi teñi kasumulaho wa myaha ye mianda anda. Ki sikamañi seo? Lu kwa hola ya maungulo!

¹³¹ Kona ha Ni yemi fa busihu boo kufita kuba kwande mwa sibaka sisili kulika kukutaza ni ku lapelela bakuli. Mi ha Ni koni ku bafumana kaufela bona fa katala (mañusa a kuya ni ku kuta), mi ki kabakaleo ha lu Li beya fa matepu ni ku Li luma kwa lifasi, ba kona ku lemuswa ni kukutela kwa Tumelo.

¹³² Neba kwa mafelelezo a Lusika lwa Bakreste, Juda, buka ya Sinulo isika ñolwa kale; Muhalalehi Juda, ulukela kuba muzwale wa (munyana hae wa mutose) wa Jesu, uize, “Ni bata kuli mu lwanele katata ni ka kusepahala Tumelo yekile yafiwa hañwi kwa balumeli.” Ba kala kuzwa ku zona hape ka nako yani, kasumulaho wa lifu la Mulena Jesu. Mi cwale se li buhule bo bu kuma kai busihu boo? Mwabona.

¹³³ Cwale, ona katengo kapili ka ba Nicene Council kaa, mi neli ka A.D. 330. . . 325. Mwendu lindumeleti ze kuma fa mianda ye lishumi ni zeketalizoho ni mabishopu nebali mwa mukopano,

kono baba hanyeza, mwa mbundu yeñwi, neli mukopano mwa maliha a malu. Mi ba ba hanyeza, mi baketa kuli Manikolai ba zwelepili, mi zani ne li lukela kunga. . . keleke kaufela, ni ku libeya mwatasi zamaiso ya mapope—kamba mabishopu, kamba nto yeñwi; ku zusa mata mwa Keleke ni ku afa kwa mabishopu, kuli mabishopu ba buse keleke mi ili bona fela banosi kuti bene ba lukela kubulela sesiñwi ka Yona.

¹³⁴ Kana mulemuhile mwa keleke ya Bakatolika kacenu? “Hamukoni kubala Bibebe yani, ha ki musebezi wa mina kuli mutoloke. Yoo ki bishopu.” Mwa bona ko li zwelezi? Cwale mwabona koo Manikolai ne ba kalezi luli basika kala kale kuhona ni ku hona. Ne bu pepezwi ona kwani. Yeo ki niti. Mi neli mufuta fela wa Bukreste; kusali cwalo ni kacenu!

¹³⁵ Mi ni Baipanguli ba likanyisize kwateni. Bibebe, mwa Sinulo 17, iize, “Me ni bana ba basizana.” Lu ka fita ku yona kasamulaho nyana, haiba Mulena alata. Cwale mu lemuhe kuli ki nto yeswana ni kacenu, ne ba ti lo hapa. Cwale, Constantine na itusisize mukwa wa Balaami.

¹³⁶ Cwale, Ni bata kuli muteeleze ka tokomelo luli mo mu konela. Cwale, U bulezi mo cwana, mwa Bibebe mo, “U kumalele tumelo ya Ka.” Cwale:

. . . nina ni ze ni nyaza ku wena, kakuli una ni . . . una . . . kakuli una ni baba . . . (isiñi ba kwanu, kono kwani; bana ni bona, “una ni bona mwa—mwa keleke ya Pergamosi,” mwabona) . . . baba sa kumalezi tuto—tuto ya Balaami, yana lutile Balaki kubeya siteo fapila bana ba Isilaele, ni kuca ze tabezwi milimu ya maswaniso, ni kupila ka buhule.

¹³⁷ Cwale, Constantine na itusisize mukwa o swana wa na itusisize Balaami. Ne ba bile ni mukopano kasamulaho wa mukopano wa katengo wani faa ha ne ka beilwe mwa likeleke, ni zeñwi cwalo, kuli ka buse, ni ku zwisa mata kaufela mwa keleke, “Mi nekusina ze ne ba nani za bona kasibili, kamba mane ne basina nahaiba tukelo ya kutoloka Mañolo.” Mi zeo neli fela za buprisita, kona bene ba lukela kufa litoloko za Mañolo.

¹³⁸ Mafelelezo, kasamulaho nyana, ba eza muprisita *yomuhulu*, mi ba . . . ili muyemeli, yanali pope. Kono cwale ba tile fa sibaka fo ba beile zeo, “za—za kuli kutwisiso kaufela ki ya muprisita, mi kopano ha ilukeli kubala Bibebe, hakuna se ba lukela kueza;” mi, ka niti, bona . . . mane Bibebe ibeiwa kwahule ni bona. Mi cwale ba—ba ikungezi zona bona bañi mi ne li ketilwe ku luna kakuli ne li bonahala hande.

¹³⁹ Ne li bonahala hande kakuli ne ba fumile, ni zeñwi cwalo, mi afa ni . . . Ku ona mukopano omutuna woo, ha na ba bizize hamoho, Constantine afa mabishopu miyaho yeminde; aipulukela mali amañwi ni—ni libaka zetuna ze kaufela . . . sina miyaho, zeo a lifa kwa keleke, kuli ba itusise zona sina—sina

mandu a likeleke. Oh, neili miyaho yeminde, ye kabisizwe hande, ni zeñwi cwalo, kacwalo a ifa kwa keleke.

140 Kwanda zeo, a tinisa mabishopu babatuna bani ka mikanjo yemituna, ni liapalo za mwahali ni zeñwi kaufela. Mi kwanda zeo, a ba beya fa. . . kamba kuyaha sibaka se si lumbile sina cwana, ni ku ba beya fahalimu fani inge siswaniso se si lapelwa. Mi mwatasi zona a yaha aletare ya macwe a mande, mwatasi a zona. Mi aeza zeo kaufela kufetaula, kuzwa mwa mulelo wa buhedeni, kushimbuluka, ni kutisa Bukreste ku bona ka bishopu wa bona. Mwabona, ba tulukisa fela siswaniso sa kulapela ni kubeya fateni bishopu. Mwabona, ku mueza kuba aletare, ili nto yeswana, ni ku mu eza kuba mulimu. Ku beya fateni bishopu, mi yena na nani kaufela zekona ku bulelwa, ba mu tinisa hande ni ku mueza ku bonahala sina mulimu wa maswaniso. Kufita ku mu beya sina milimi ya bona ya buhedeni, ba mu beya mwa mukanjjo inge Jesu mwa na tinelanga. Mwabona? Mi ba mueza kubonahala fela inge mulimu wa maswaniso a lapelwa aina fani cwalo.

141 Oh, mwakona ku nahaniseza mo ne ba bulelezi bahedeni, “Kihande, Na kona ku yemela zeo, kuna ni ya kona kuambola ku luna. Lu bile lu ambolanga ni milimu ya maswaniso, kono muuna yo yena wakona kubulela ku luna.”

142 Bakreste mo ne ba hupulela, “Kihande, zeo ki zende luli. Cwale lwakona kueza kaufela se lu bata kakuli mulimu wa luna ki yoo. Lwakona fela. . . Lwakona kubulela ku yena, wa kona ku lu bulelela sa kueza. Haiba lueza sibi, lwakona ku mu bulelela ka sona, ku mu fa nto nyana cwalo, mi yenyinyani. . . kulapela litapelo za kupeta mazazi a naini; mi nto yapili mwa ziba, kaufela lu kondisize, mi lukuta mwa mulaho ni kuikutwa fela hande hape. Hakuna se lu lukela kubilaela.”

143 “Oh, zani ne li bonahala hande.” Luli! Li sa bile cwalo kwa ngana ya butu, kono hamuna ku hapeleza zeo ku mwana Mulimu ya pepilwe sinca hande. Ha koni kueza zeo ali kuba. Kakali u ziba Ya lumezi ku yena mi u kolwa kuli Uka kona ku buluka kaufela sa Itamile kuisa ka lizazi lani. Mi lu libala lika ze kwa mulaho, lu ikataza kuya kwa mayemo a pizo yetuna yeli ku Kreste. Amen! Oh, mo Ni bezi ya itumela luli!

144 Aletare ya macwe amande mwatasa hae, yena uinzi fahalimu fa, ya apezi hande ka bukwala, ili keleke yende. Oh, mawi, kaufela bona ne ba kabile hande. Ku lukile. Mi katala ka ne ka lumbile luli, ona katala ka macwe amande ka, hande. Mu lukela kubona lika zeo pili, ki nto yeswana. Ku kabiswa luli ka gauda, ni ku comekiwa ka macwe a butokwa, macwe a teko yetuna fa aletare ye. Amande! Ka ku zamaelela hande ni Manikolai ni mahedeni. Mwabona sa na ezize? Na ngile mikiti ya sihedeni, milelo ya sihedeni; ni kunga Bukreste, litaba ze batile za sihalihali ze ne sa zibi lika, be ne ba sina Moya o Kenile kuli uba zamaise ka kushutana; mi za ba ezeza milimu ya maswaniso

fa lifasi faa, ni ku ba yahela aletare, ni mulimu wa maswaniso yainzi fani kuli aswalele libi za bona. Kana mu ba moya nji? Mwa utwisisa se Ni talusa kana? Mwabona seo sili sona? Swalelo ya sibi mwa lifasi.

¹⁴⁵ Ha ni buleli zeo kuzwa mwa zibo yaka, zeo kona litaba za kale. Ni ka mifa likepe ni buñata bwa litaba za kale, kinto yeswana fela sina ha Ni ka mi bulelela za George Washington, ni Abraham Lincoln, ni Ndwa ya Gettysburg, ni zeñwi cwalo. Luli, lika zeo kaufela ki litaba za kale ze Ni bulela faa kuya ka mo liñolezwi.

¹⁴⁶ Cwale, kona kuli ne ku swanela hahulu kuli. . . isiñi kwa Keleke ye pepilwe sinca ye. Batili, sha! Kihande, ha ba beya muuna fahalimu fani cwale, kuli abe toho ya ma bishopu, kupeta mikiti, eeni sha zeo ne li ka leleka ba Evangeli Yetezi. Li sa eza cwalo ni kacenu. Masika ani a sa zwelapili ni kacenu, a sa zwelapili fela, mwabona; ka mufuta usili, zazi leliñwi. Oh, ha ba beya muika ya kutekiwa fani ku mueza sina mulimu wa maswaniso, mi ukaba ni mikiti nyana ye ka bulelwa.

¹⁴⁷ Mi mulemuhe cwale kuli bahedeni ne ba lapelanga kwa milimu ya bona ye shwile. Mi keleke ya Baipanguli ye ne ka yema ni kubulela kuli, “Ni lumela mwa Keleke ye Kenile ya Katolika ya Roma ni kutwano ya ba bakenile.” Mina ba Methodist mwa itima kwa meto, ba Presbyterian, ni ba Lutheran. Sika kaufela se si ikambota ni bafu ki bulapeli bwa milimu! Luli. Kono, cwale, Baipanguli ha bakoni kuseha Bakatolika, ni yena kakuli ueza lika zeswana, ubulela litaba ze kaufela za kuipulela kuli ulumela lika zeswana; u kolobelizwe hape sina ba keleke ya Katolika ka mezi a kolobezo, uhana ni kuseha batu baba lika kupila ka swanelo; haaya kwa keleke yena ni batu baba huwa ka mata a Mulimu, kipeto yena uyema fande ni kuseha Liak zeo. Kaufela zeo.

¹⁴⁸ Mwabona, mioya ha iipati; batu kona baba ipatanga, kono isiñi mioya. Mwabona? Moya o Kenile, Ha ukoni kuipata. Ne li ku Jesu, cwale U inzi mwa Keleke ya Hae; ukana uba cwalo kufitela A tahela Keleke ya Hae, kakuli Ki siemba sa Hae. Mwabona? Niha kuna ni banyandisi, ba—ba ba seha kwa mulaho kwani mwa lizazi lani, ba sa pila cwalo ni kacenu. Mulimu u nga mutu wa Hae kono isiñi Moya wa Hae kuzwa mwa lifasi. Diabulosi unga mutu yo kono isiñi moya kuzwa mwa lifasi.

¹⁴⁹ Baprisita bene ba koñomeka za lifu la Jesu, bene ba bulela kuli Nali “mulauli,” kamba “dimona,” mitangana bani nebali ba bulapeli sina bulapeli mo bu kona kubela. Yeo ki niti. Ne ba ziba Mañolo ka litaku za ona, kono ne ba sa zibi toloko ya niti ya Ona. Nebana ni mulelo wa bona bañi, mi nekusina zeñwi ze ne ba ka teezeza. Mi kipeto ba Mu bona ba ziba kuli. . . Ne ba palelwa cwani kubona kuli Jesu na sa zamaeleli ni lika kaufela ze na bulezi baplofita kaufela ka Yena? Kono nebali libofu. Mi

Mulimu a bulela kuli Na ba natile meto abona ka bubofu ka libaka, kuli luna lube ni kolo ya puluso.

150 Cwale Biblele ibulezi litaba za kwapili hape kuli Uka. . . kuli lu mwa Lusika lwa Pentekota loo, lo lu “mapunu, lunyandile, lwa bubofu, mi ha ba zibi cwalo.” Ki boo buino bwa keleke, Filadelfia. Oh, mina ba sihalihali ba Baptist, Presbyterian, ni Mapentekota! Mwabona, kifo he cwale. Fokuñwi ha Ni talusi zeo ku mina baba inzi mwahali mo; Ni beya zeo fa tepu, mwa bona, mi Na ziba ko iya. Mwabona? Mubake! Amukutele kwa Biblele! Amukutele ku Kreste!

151 Ku lukile, kono zeo kona ze ezahalile, Evangeli Yetezi ne ikashelizwe kwande. Lisupo ni ze komokisa mwa keleke ne li hanilwe, mi cwale sikwata sa ba Moya o Kenile ha si lelekelwa kande, mi ba latula kuli nekusina lizazi le li cwalo. Mi neli kuli. . . Mi baeza nto yeswana ni kacenu! Ki cona luli. Kikuli ha muboni moya wateni? Sina ha Ni mi bulelezi; kwa makalelo, kuli muapale minahano ya mina ya moya, mutuhele Mulimu akwalule lipilu za mina. Musike mwa akaleza lika, muine mi muteeleze; muli, “Moya o Kenile, patulula ku na. Ni li bone, ki zani fani.”

152 Mikiti. Kai? Ba Baptist, Presbyterian, mane ni Mapentekota, ba ba fela mukiti wa za bulapeli. Nto fela ye ba eza ki kuliza piano, kamba nto yeñwi cwalo, ba tulaka tulaka fa nako nyana; mi piano isa tuhela fela kulila: Bahasana! Bazwela fande, habasa sepahala, bauzwa, babulela buhata, lika zeñwi kaufela. Kono haili wa luli. . . Mane bana ni kacimacima hahulu kuli bakona kulwana ni saha ye njanja, ba seba mutu kaufela ni sika kaufela. Mwabona? Ki fo he cwale. Ha ki ba Methodist fela, Baptist, Presbyterian, Katolika, kono ni bona ba keleke ya Pentekota mwa Lusika lwa Laodesia mo.

153 Oh, Ki kabakalañi ha mu sa kuteli kwa lika ze ne ba banga ni zona bashemi ba mina ba kale? Kiñi ha lu sa kuteli kwa pentekota ya niti ye kenisa ni ku lutaza ka Moya o Kenile, ye tisa Kreste ku luna? Zeo kona ze lu tokwa. Ku lukile. Cwale, ki nto yeswana ni kacenu!

154 Cwale, linzwi lelili *Pergamosi* litalusa “kunyulwa.” Lona linzwi lelili *Pergamosi* litalusa “kunyulwa.” Bukreste (koo ki kwa neku la Manikolai, neku la sihalihali) kunyulwa kwa naha, ni mikiti ya sihedeni. Mikiti ya sihedeni! Mi neli kupepwa kwa keleke ya Katolika mwa lizazi lani.

155 Cwale, mañi ni mañi u ziba kuli keleke ya Katolika ne itisizwe kwa linako za Nicene Council. Zeo li si kaba teñi pili, ne i bizwa kuli “Nikolai” ka Mulimu; ye talusa kuli *Nicko—Nicko*, “kukoma,” kukoma kamba kuhatelela keleke. Mi ha baeza cwalo, ne ba sa lati Moya mwahala sicaba; mi *balisana* ba likeleke, ba ba talusa “balisana,” kwa Moya o Kenile. . .

156 Mu li, “Kiñi, kana muprisita hakoni kubua mulisana?” Ki mufuta wa sico mañi sa mi fepa ka sona? Kana muna ni linepo zeswana sina ze ne ba nani ka linako zani, ka Lizazi la Pentekota? Kiniti kutokwa! “Lumela Maria,” ki mañi yakile abona zeo kwa Pentekota? Litapelo za kupeta, za kufafaleza zeo kaufela, kucunka tumezi, kuitusisa bulalu bwa Mulimu (“Ndate, Mwana, Moya o Kenile”), zeo mu li fumana kai kwa Pentekota? Jesu naize, “Ba ndu ni ndu ya Isilaele kaufela ba zibe kaniti, kuli Mulimu u ezize Jesu yaswana yoo, ye mu kokotezi fa sifapahano, kuba Mulena ni Kreste.” Yeo ki niti. Zeo lu li fumana kai? Ki za Nikolai ka kukala, mi li bupilwe mwa Bukatolika.

157 Cwale mu li, “Kihande, Ni tabile na ziba kuli Hani yo mwahala bona.” Cwale musike mwa kolwa kufiteleza. Mwabona? Cwale muhupule: Bukreste, Nikolai. Cwale kana mwa utwisisa likande? Muteeleze hande lu si ka fita kale kwahule. Ni bata kuli muli utwisise haiba lu ka inelela mo kuisa fahala busihu. Kona kuli, uh-hum . . . kona kuli . . . kakuli, muzwale, ki moyo wa hao! Wa kona kubulela kuli, “Khande, Ni wa siemba sa . . .” Zeo ha—ha ki Zona. Haiba hauna Moya o Kenile, muzwale, Hanina taba kamba u fumaneha kwa likeleke zekai, u latehile. Haiba ha u si ka pepwa sinca ka Moya wa Mulimu, ka kolobezo ya Moya o Kenile, u latehile; kakuli hauna Bupilo Bobusafeli, mi Bupilo Bobusafeli kona nto fela inosi ya ka zusa Mulimu, kakuli Kona bupilo bunosi fela bo bu siyezi.

158 Haiba bubeke bwa mbonyi. . . sina ha Ni bulezi faa, kaza Hola ya Njimo. Ki ba bakai baba hupula muuna muhulu Muzwale Spurgeon, mukutazi wa Methodist kwa Henryville? Mutu yomunde wa mucembele. Ne luinzi ko ku lekiswa aisi kirimu kwa Red Furnish, zazi leliñwi, inge luca aisi kirimu; mi ne lusweli kuambola za mukopano one Ni bile ni ona kwani, mi Hola ya Njimo ne iliteñi. Mi ba Red nebana mi—mi sipika ye nyinyani ya tukiswa, mi ya . . . ya silimba sa hae kwani. Mi kokuñwi ne ba sweli kubulela . . . kakuli liñusa ne li zwelela kwa Louisville. Kono ba 4 H Club nebana—nebana ni mushini ono kona kufetula bubeke bwa mbonyi yene ba beile kalsiamu ku yona, ni mafula a petroleum, ni lika kaufela mwa mbonyi, ni kuieza kubonahala inge izwile kwa . . .

159 Ba 4-H nebana ni yona, sayansi ne i kondisize kuli mbonyi ibonahale inge ta niti kuli ne mu ka ñwata lizoho lelitezi mwa saka ni ku icala mwa simu, lizoho lelitezi kuzwa mwa saka mushini no so timilwe, ni ye kwa neku le (ye lubilwe ki mushini) ikona kupangiwa mase a mbonyi, ni sinkwa sa mbonyi. Mi mane mwakona ku li isa kwa sibaka sa kutatubela lika ni ku pumaka fahali, ona bubeke bwatani, mi hamukoni kushutanisa ye ku yeñwi. Lina ni petroleum yeswana, ki—ki kalsiamu yelikana, mi—mi ni mukamo; lika kaufela ze ne keni mwa bubeke bulibuñwi, ne li liteni ku yeñwi.

160 Ki hali, “Nzial fela ya kuziba ka yona kuli ye kona peu yene cezwi mwa simu, mi yene pangilwe ka mushini: mu pumbeke zepeli cwalo zeo. Mi sibeli sa zona li bolile, mi yene pangilwe ki mushini ne li si ka mela hape; kono zona za na cezi Mulimu, za pila hape.” Kiñi? Kakuli ne li sina mata a kukona kumela.

161 Mi wakona kubonahala inge Mukreste, kueza likezo sina Mukreste, ni kueza kezo yende kaufela yokona kueza, ni kupila ka kusepahala kwa keleke ya hao; kono haiba ha una mata a kona ku ku melisa ka Moya o Kenile, ka Bupilo bwa Mulimu, Bupilo Bobusafeli butaha ku wena; isiñi ka kubulela, kono ka mpo ya Moya o Kenile. Mu ba cwani ni Zeo? Dokota a bulela kuli, ka Lizazi la Pentekota, ya na ñozi munwelo wa mulyani, “Mubake, mi mu kolobezwe mañi ni mañi wa mina ka Libizo la Jesu Kreste, mi mu ka amuhela mpo ya Moya o Kenile.” Mpo ya Moya o Kenile, yeli Bupilo Bobusafeli. Yeo kona nto inosi fela Mulimu ya ka zusa. Ki yona nto inosi fela yena ni Bupilo Ya kona ku zusa. Mwabona? Yeo kona nto inosi fela yekona kufita. Ni sepa kuli zeo za utwahala. Mulimu alumeleze kuli li utwahale.

162 Cwale, Manikolai ne bana ni neku la sihalihali, mi ba nyalwa kwa keleke ya buhedeni; batisa mwatani li aletare a buhedeni, kueza li aletare za Bukreste; batisa mwatani mulimu wa maswaniso wa buhedeni, mi ya bulela ni kuambola, mwa buino bwa bishopu. Ba litoma fani, ba li tinisa ni ku libonahalisa sina mulimu wa maswaniso. Mwa bona? Ha ki ze li kwande, ki zeli mwahali. Lipeu zepeli za mbonyi zani ne li bonahala kuswana; ne si ze neli kwande, neli ze neli mwahali. Mwabona, ki za mwahali, ki Bupilo. Kihande, ne li ezizwe mwani, mi sani ne li sibaka kone ipepewi keleke ya Katolika yapili, neli yona mahe wa likopano kaufela za likeleke.

163 Cwale mu li, “Kihande, Na . . . Muzwale Branham, kona kuli haibile fela Ha ni Mukatolisa.”

164 Cwale, fa muzuzu fela, ha lu yemeleni fo fa muzuzu nyana fela, ka mukwa woo. Mi ha lu—lu apuleni mwa Sinulo, kauhanyo ya 17, fa muzuzu fela. Mu apule fela ku yona. Cwale, ye ki sinulo ya sikamañi? Jesu Kreste, kwa likeleke za Hae. Hanze Ni bala, muteeleze hande:

Cwale kwa taha leliñwi la mangeloi a sebene lene li na ni manaka a sebene, mi la ambola ni na, lali . . . Taha kwanu, mi Ni ka kubonsa . . . katulo ya lihule lelituna le li inzi fa mezi amañata:

165 Cwale, kuli Ni be ni paki, ki ba bakai ba baziba kuli *musali* mwa Bibele, nako kaufela zeo lifilwe ka kuba sisupo, u talusa “keleke”? Ku lukile. Ki ba bakai ba baziba kuli “lihule,” lelituna ona mwa kauhanyo yswana ye, ki ona “munzi o yahilwe fa malundu a sebene”? Ku lukile.

166 Mi cwale ki ba bakai ba baziba kuli Bibele ibulezi kuli “mezi”? Ki yo nainzi fa “mezi amañata”; isiñi *mezi*, kono “mezi

amañata.” Mi *mezi amañata* atalusa “sicaba.” Kiñi, mutalime kauhanyo ya 15, mwakona kubona fa, mwabona, timana ya 15, mwabona:

Mi ki hali ku na, Mezi amañata o boni, fo kuinzi lihule, ki batu, . . . sicaba, . . . linaha, ni mishobo. (Mwabona? Mwabona?)

¹⁶⁷ Cwale, musali yo neli mulwanisi wa tumelo. Nji cwani? Cwale ye ki tuto, kona kuli muswanela kubeya lizwalo la mina kwa mulaho cwale. Mwabona? Musali wa litanya yani ubizwa cwani “lihule”? Ki musali ya si wa niti kwa buitamo bwa linyalo la hae. Cwale keleke, ba keleke ya Katolika, ba ipulela kuba Munyaliwa ni Musala Kreste. Mane ni bona bahame ba siroma ba kutanga milili ya bona, mi habana maikuito, “maikuto a bona kaufela ku Kreste.” Kana ku cwalo? Luli. Kamaba mutu kaufela . . .

¹⁶⁸ Ni zwelela kwa makalelo a tumelo ya Katolika, mwabona. Nina ni buka yabona yeli *Facts Of Our Faith*, ni libuka za bona; ni Baipanguli ba mina, ni ba Baptist, ni se mu lumela kaufela; mwani mwa sibaka sa kubala kwaka. Kacwalo, Ni bala hahulu kuli haiba mutu akona kubulela sika. “Mawe!” Na kona ku kuyemela ka lipulelo za hao. Mwabona? Konakuli, hola itile kuli Se si zwele fande.

¹⁶⁹ Cwale, nto yapili, Mulimu una ni kuzamaya kufita mwahala naha kaufela, abonise lisupo, ze komokisa, ni limakazo, kuli sicaba si zibe. Lingu za Mulimu li ziba Linzwi la Hae, za ziba, za ziba hande. Muna ni kufumana pili . . . Mu zwela kwande kusina ku zibiwa, kipeto mu lukela kuba . . . Ki sikamañi se mueza? Mu eza lika zeo ka bumaswe kufita sa pili. Kutuhela mu . . . mu tuhele Mulimu atokomele zeo. Mwabona?

¹⁷⁰ “Ni ka ku bonisa katulo ya lihule lelituna.” Cwale, haiba nali cwalo, mi na li musali hana bulela nto yeñwi kuli . . . Na sweli kubuka! Kana ku cwalo? Kihande, he, haiba neli keleke, na sweli kueza buhule ye si nzila ya Mulimu. Kana ku cwalo? Kona kuli buhule, ikona kuba buhule, buhule bwa *moya*: u sweli kuluta batu lika ze si Lizwi la Mulimu. Kana ku cwalo? U sweli kuluta lika ze si za niti. Bao ki Manikolai. Mwabona ha li taha kwanu? Ka za kuketa mapope, ni baprisita, ni kuzwisa Moya o Kenile mwateni, “Mazazi a limakazo a felile”; mi Bibebe ibulezi kuli, “Jesu Kreste wa swana maabani ni kacenu ni kuyakuile.” Bibebe ibulela kuli, “Mubake, mi mu kolobezwe mañi ni mañi wa mina ka Libizo la Jesu Kreste kwa swalelo ya libi za mina”; yena ubulela kuli, “Ndate, Mwana, ni Moya o Kenile,” ba fafaleza, ba cunka tumezi. Oh, mawi! Mwabona?

¹⁷¹ Ku lukile, amutalime sa na eza musali yoo:

. . . yo malena a lifasi le ba pilile ka buhule ni yena, ni baba yahile mwa . . . lifasi ba kozwi kwa buhali bwa buhule bwa hae.

172 “Kukulwa!” Ku mi bulaya, ku mi bulaya, ku mi kunupa, kamba sika kaufela, muzwale. Ba kozwi luli ka lino zani. Mwabona?

173 “Ki veine.” Zeo kona za sweli kufa, mwabona, veine ya buhule bwa hae. “Halu boneñi ni mi bulelela nto yeñwi! Boma ki ba Katolika, mi Nika . . .” Ku lukile.

174 Cwale mu bulela kuli, “Zeo za sabisa.” Cwale mu libelele fela fa muzuzu, Baipanguli. Huh! (Ni bulela ku babali fa matepu, mwabona.)

Kacwalo a ni isa shimba mwa moya kuya mwa lihalaupa: mi Na bona—Na bona musali ya inzi sibatana se si fubelu, . . .

175 Cwale, linzwi le lili bufubelu li talusa sikamañi? Li bonisa “bulena.” Litalusa . . . Ni talusa, litalusa, “bulena, bulena bwa likute,” mwabona, inge malena ni zeñwi cwalo.

. . . mabizo amañata a linyefulo, sesina ni litoho ze sebene ni manaka a lishumi.

176 Cwale, *litoho* ze sebene ki “malundu” a sebene fo ku yahile munzi. Mi musali yo ki yena munzi, lwa ziba.

Mi musali na apezi ze seta . . .

177 “Musali.” Sibatana ne li se si *fubelu*, kono musali na apezi ze *seta*. Cwale, kana ha Ni si ka mi lemuha zazi leliñwi, kuna ni masila amalalu? Ha ni zibi kuli Ni ka pila nako yetelele cwani, kono muhupule se. Sina ha Ni mi bulelezi lilimo za kwa mulaho zeñata kuli, “mutokomele Russia.” Kuna ni masila amalalu, muhupule se. Kuna ni lisila ka *sipi*. Kuna ni lisila la *mataka* (Red China ni zeñwi *cwalo*). Mi hape kuna ni lisila le li seta, mu tokomele lisila leo, *yani* ki mupumi. Hahulu luli . . .

. . . musali na apezi ze seta . . . mibala ye fubelu, . . . a apezi gauda . . . macwe a mande, . . . (Mwa hupula ha ne ni bulela zeo kwanu aletare yapili ya Manikolai? Mwabona? *Musali* ka kuba “keleke.”) . . . *inza sweli komoki ya gauda mwa lizoho . . .* (Mwa hupula? Gauda ne i beilwe fa aletare; komoki, na sweli kuifa sicaba.) . . . *yetezi ze swabisa za linyefulo za buhule bwa hae:*

178 Zeo kona za sweli kufa sicaba; ne abswele ku li miza. Luli. Bakozwi ka zona! Banwile fela! Sikwata kaufela sa ma Irish bani, ni ma French, ni babañwi cwalo, ba ka mi puma mumizu mu sa bulela nto iliñwi ye lwanisa keleke yani. Luli, ne ba ka mipuma ona. mwabona?

Mi fa pata ya lona neku ñozwi libizo la kuli, KUNUTU, BABILONA . . .

179 Cwale, ki kai ko ne itutezi Babilona? Kuzwa mwa Babilona kuya mwa Pergamosi, mi yaba . . . Satani a tutisa sipula sa hae.

Oh, Ni lakaza kuli kambe ne ni ka fita mwa Sinulo yani kaufela, kuli mu ibone.

... *BABILONA YOMUTUNA, MAHE MAHULE...*
MAHE WA MAHULE NI ZE MASILA ZA LIFASI.

180 Musali yo ki sikamañi? Ki mahe wa mahule. Bani ne si bana ba bashimani. Nji nebali baana?

181 [Hakuna manzwi fa tepu—Mu.]...ki keleke. Eeni, sha. Ali, “Kana keleke ha ibizwi, mwa Bibeke kuli, ‘Babilona?’” Mwabona, mwa buka yabona luli. Ku lukile.

182 Cwale, haiba nali lihule, lihule, mi nali mahe mahule, nana ni kupepa bana ba basizana. Mi haiba nebali bana, ne ba li basizana, ne lili likeleke. Cwale keleke ya Baipanguli neizwile kai? Kana ku cwalo? Ki shutano mañi yeliteni mwahala a—a manyakasilu ni lihule? Ki nto yeswana.

183 Martin Luther na zwile mwateni, ku to cinca, kuli afe Keleke ya niti kolo; Wesley; kutaha cwalo mwa Pentekota; mi mutu ni mutu wa bona akutela kwa mulelo wa Bunikolai bwa ku ongaonga, ni batoneli babatuna, ni lika zeñwi kaufela, mi bakutela mwa kolobezo ye swana yene ba kolobelizwe ka yona, mufuta o swana, mikiti ye swana, mane nihaiba ba bañata ba bona bana ni tutekisema ni ‘*lumela Maria.*’ *Haki bo Lumela Maria*, kono... Ki nto mañi ye zamaelela ka nto yeswana? Yona tuto ya *Tumelo ya Baapositola* yani. Amu ni bonise tuto ya Tumelo ya Baapositola mwa Bibeke, muzwale. Haiba—haiba nebana ni tuto ya tumelo, ki Likezo 2:38, kona mo ne ba laelezi mutu ni mutu kuli aezeze. Ki kai ko mukile mwa utwa muapositola abulela za kupeta, kuli, “Ni lumela mwa Keleke ye Kenile ya Roma ya Katolika. Ni lumela mwa kutwano ya ba bakenile?”

184 Fani mu... Pitrosi, yana sweli li notolo, naize, “Hakuna muyemeli usili hape mwahala Mulimu ni batu, kwanda Krete Jesu.”

185 Kono amutalime fa likeleke za Baipanguli. Ki sikamañi se ne ba ezize? Ne ba si ka ikutwa kulikana. Mañi ni mañi wa bona yana tile, na zwile ni Mbuyoti ya Pentekota. Yeo luli ki niti. Nihaiba Martin Luther na bulela ka malimi. Yeo luli ki niti. A zwa mwahala bona, ali, “Mulimu, manzwi a maswe o Ni bulelanga aa, mi ha Ni zibi ze Ni bulelanga.” Mwabona? Luli, na lumela ku Ona. Kiniti, na lumela.

186 Cwale, kushetumuka mwahala masika babile ni—ni Moya, kono kamita basweli kuzwanga mwateni ni kuipangela likopano kasumulaho wa bakalisi bamano timela kaufela. Kambe ne mu ka lumeleza keleke ya ba Lutheran kuzwelapili, mi kusina ku iongaonga, ne ikaba Pentekota. Keleke ya pentekota ki sikamañi? Ni talusa pentekota ya niti. Isiñi ya kopano, cwale, yona fela ki “poto ni ketele” hape. Mwabona? Kono ba ezize lika ze swana, mi zani za ba kutiseza hape mwa Bunikolai sina mo

ne ba ezelize kwa simuluho. Ki ba bakai baba bona zeo? Muli “Amen.” [Kopano ili, “Amen!”—Mu.] Yeo ki niti. Cwale, fela ki kuli Ni na ni linzwi la mina kuli mwa . . .

187 Mwabona, mahe wa “mahule.” Haiba ki mahule, ne ba bile cwani mahule? Ka kueza buhule ku lwanisa Linzwi la Mulimu. Haiba Linzwi la Mulimu liize, “Mubake mi mu kolobezwe ka Libizo la Jesu Kreste,” mi mutu kaufela mwahali mwani na kolobelizwe ka Libizo la Jesu, mi kipeto mu ikungela “Ndate, Mwana, ni Moya o Kenile.” Bwani ki buhule! Kana ku cwalo? Mi haiba Bibeke kolobezo ya yona ki ka kucimbekiwa (*baptizo*, kuzwa mwa linzwi la Sigerike), kona kuli muzwisa kai za ku fafaleza ni ku sela mezi? Zeo li zwile kai? Haiba mu cincanisa zeo ka kuswalana mazoho, kamba ku pumata mezi mwa hantu ni ku a minza, kamba nto yeñwi ye cwalo, kwa Moya o Kenile, ni Moya o Kenile wa zwa kwa Lihalimu sina moya wa liñungwa mi wa to tala sicaba, mi wa ba konisa kubulela ka malimi, ni kuhuwa, mi baeza sina batu ba bakozwi, mi mu cincanisa zeo ka kuswalana mazoho, kamba kubeya liñolo la mina mwa keleke, kamba nto yeñwi cwalo, mu ka baleha cwani ku za kueza boozwa bwa moya?

188 Cwale, mu ipuze fela ili mina seo. Mu nyunge minahano ya mina, mu kwalule lipilu za mina ka kusepahala, mizwale. Lu kwa mafeleleza a nzila. Mikopano ye ha isika beiwa fela mo ka mbango, itomilwe ki Mulimu. Na lumela cwalo kuya ka mo Ni . . . mu ni lumele kuba mutanga Hae. Ni bulela ka Libizo la Jesu, zeo Mulimu abeile fa pilu yaka kuli ni tahe kwanu. Ha ni holeli fateni mali ka kueza zeo. Ni—Ni—Ni—Ni—Ni kona kuba kwani inge ni lapelela bakuli kokuñwi, kamba nto yeñwi cwalo. Kamba Ni kona kuba kwande ku yo zuma, mi ni fumana mashelani aka ka mukwa o swana, Ni amuhelanga kapene kwa keleke. Kono Mulimu u Li beile fa pilu ya ka; Ne ni palwa kuzwa ku Lona, ne li sweli fela kulilela ku na ka Zona, mi Ni eza kaufela ze Ni kona. Ni inzi kwanu ka Libizo la Mulena, ni eza lika kaufela ze Ni ziba mwa kuezeza. Musike mwa Li tuhelela ku mi fita fahalimu.

189 Cwale, Muipanguli, kana wa bona se Ni talusa ka keleke ya Katolika ni ya Pentekota? Fela . . . Ye iswana fela ni yeñwi. Yeo luli ki niti.

190 Cwale, litalusa kunyalwa, *Pergamosi* italusa “kunyalwa.”

191 Cwale ha lungeni . . . Na bulezi kuli, “Una ni baba ya ka tuto ya Balaami.” Ha lu ngeni fela zeo.

192 Kana luna ni nako nji? Ni ka akufa fela kapili mo Ni konela. Kamba mu ka tabela fela kulibeleda kufitela mi mubone ha lu ka kuta kakusasana? Ki ka bakai baba tabela kuli luzwele pili fela, fa nako nyana fela muitiise? Halu . . . Ku lukile, cwale Ni—Ni ziba kuli kwa cisa mwahali mo. Mi haiba muinzi inge ku cisa cwalo, mu nahana cwani fahalimu faa? Mwa bona? Kono, oh, mawi, lu

lika kuzwa mwa libaka ze cisa zeo. Mwabona, zeo—zeo kona mo li inezi, kakuli, luna lu ba Kuyakuile.

¹⁹³ Cwale, cwale ki niti ha ba toma kekeke sian cwalo, ki sikamañi se si ezahalile? Cwale ha muteeleze ka tokomelo, bana baka. Ki sikamañi se si ezahalile? Kiñi, eeni sha, zeo za zwisa Moya o Kenile mwa kekeke. Ki kabakaleo hakuna ni alimuñwi wa ma bishopu ba bona yakile aeza limakazo. Mi bona ne ba ambola ka za babakenile babañwi ba kekeke ya bona! Ba kananisa nto yateni, kono ba ikungela bona!

¹⁹⁴ Mutalime Joan wa Arc, musizana yani. Na mi buza mina sicaba sa Katolika, kamba mina Baipanguli, mañi wa mina kaufela. Joan wa Arc, mwa lizazi la hae, ne ku sina sika mwa France mwani, kono kwanda kekeke ya Katolika yene hamula babakenile kuba nyandisa. Kono Mulimu a zamaya ni musizana yani mi aba ni Moya o Kenile. Mi ki sikamañi sa na ezize? Na kona kubulela lika ze sa taha kwapili, Mulena na mufanga lipono mi wa li bulelela cimo. Na lapelela bakuli. Na lapelezi mbututu ya shwile, mi a taha kwa bupilo hape. Bwani ki bupentekota. Mwabona? Mi ki sikamañi sene iezize kekeke ya Katolika ku yena kakuli na hanyelize ba kekeke ya Katolika? Ba mu bizeza muzeko, mi ba mu cisa fa sitoli kuli ki “muloi.”

¹⁹⁵ Mi mu bulela kuli, “*Muhalalehi* Joan wa Arc.” Myaha ye mianda yemibeli kasamulaho, cwalo, kekeke haito ziba se ne ba ezize, kuli nali Muhalalehi, oh, eeni sha, ba eza za kubaka; ba kata mibili ya buprisita bani bene ba mu bulaile, ni ku ba yumbela mwa nuka. Mu nahana kuli zeo li ka tapisa mali a mazoho a bona? Bibeke iize, “Ma—ma mali a mubulaiwa kaufela na fumanwi ku yena.” Zeo kona zene li bulezi Lingelo la Mulena kuli ne li fumanwi mwa Babilona, “Sibulai kaufela, kamba mubulaiwa, mane ni ba bakenile kaufela ba Krete baba kile ba bulaiwa fateni, ne ba fumanwi ona mwahali mwani mwa Lusika lwa Bunikolai, mubulaiwa kaufela.” Mu nahane ka zeo. (Ni itumezi, Muzwale Ben.) Cwale, mu nahane ka zeo.

¹⁹⁶ Cwale, fa pata nyana fela cwale. Kekeke ya Bakreste ya nyalwa ku—ku mu...kwa Babilona. *Pergamosi* italusa “sinawenga.”

¹⁹⁷ Cwale, “Tuto ya Baalami. U na ni mwahala kuwena baba ya ka tuto ya Balaami.”

¹⁹⁸ Oh, Na lata fela lika zee. Oh, haiba mukona fela kuina fa nako nyana fa nto ilinwi, mwabona, kono fela mueza. . . Lu bata ku mi lumeleza kuli mu si bone ni kuya kwa nto yeñwi fela, kakuli fela ki—ki ze tezi zemunati za lihalimu. Na ni mulafi wa butale; Ni tabelanga kuya mwatasi ku kata lika ze munati za lihalimu zee ni ku li fukulela fande, ni ku li kabisa sina cwana, ni ku li talimela. Mane yeñwi ni yeñwi ya zona ika bonahalisa Jesu Krete! Yeñwi ni yeñwi ya zona, mwabona. Yeñwi ni yeñwi ya zona i bonahalisa Jesu Krete. Ki yena Alfa ni Omega, ifi—

ifi liemba za gauda mwa licwe lateni. Yeo ki niti. Yena ki yena siemba sa zona kaufela. Ki kabakaleo Ha li Bumulumu bo bu bonahalile mwahala luna.

199 Cwale, fa kuli kube . . . Ha—Ha nina ku liyeha ka se, kakuli Ni na ni . . . Ni bona kuli seli naini. Mi Ni—Ni na ni nto yeñwi ye Ni bata kufita ku yona busihu boo, haiba Mulimu alata. Mi Ni bata kuli muñole fela zeo mi mu yo li bala kamuso, mi mu ñole ni Numere 22 kuisa 25. Ni bata kuli mubale taba yeo cwale, mi mwakona ku ni latelela mwa mulaho. Mi cwale—mi cwale Numere 22 kuisa 25.

200 Lu ziba kuli Isilaele—Isilaele neli sicaba se si ketilwe sa Mulimu. Kana ku cwalo? Ne bali ba . . . Ne bali Mapentekota. Nebana ni Moya mwahala bona. Mwa hupula liñusa la maabani busihu? Kuli mane Mushe ha na sa silile Liwate Lelifubelu, kamba Liwate Lelishwile, mi a fumana kwa mulaho wa hae Liwate Lelifubelu, la mali, kuyemela mali . . . bazamaisi ba batanga kaufela bene ba mu shapakile ni bana ba Isilaele kaufela. Mushe a nanula lizoho la hae mi a opelela mwa Moya. Oh, mañi ni mañi wa luna wakona kuba Mushe ha lu talima kwa mulaho mwa Mali a Mulena Jesu ni kubona ya kozwi kaufela, botela ya kale kaufela, musali kaufela wa kale wa litanya, nto ye masila kaufela yelukile lwa eza mwa bupilo bwa hao, kaufela li shwile mwa Mali a Mulena Jesu. Li lu eza kuopela mwa Moya! Mishanga, makwai, ni mikwa yemaswe, ni lika zeñwi kaufela, li shwezi, mwa Mali a Mulena Jesu; kona kuli lwakona ku nanula mazoho a luna ni kuopelela mwa Moya. Mwabona?

201 Mutalime Miriame sa na ezize, mupolofita wa musali. Cwale, muhupule, nali mupolofita. Anga kambuli ni ku kala kunata kambuli ni kubinela mwa Moya, mi bana ba basizana ba Isilaele ba mu latelela fa likamba, inge ba liza tumhuli twani, ni kubinela mwa Moya. Pentekota ya Luli!

202 Mi cwale haiba mulemuha ha ba fita ku Moabi. Cwale lusweli kukutela mwa mulaho . . . Lu mwa Mañolo, cwale, ba “tuto ya Balaami.” Ni Moabi—Moabi neli muzwale wa Isilaele. Ki ba bakai baba ziba kwa na zwelezi Moabi? Ku lukile. Moabi ki yena ye Ni kona kubiza kuli wa mazwake, kakuli Moabi na kalezi ka bana ba Lota. Lota a pepa mwana ka mwana hae wa musizana, na bile ni bana. Mi Moabi neli alimuñwi wa bona, mi a bupa naha ya Moabi, ona lusika lwani. Mi, mane, Lota ne li mwana kezela Abrahamama, yanatile ona cwalo mwa lusika lwani lo lu swana lwani. Lwa ziba cwalo. Cwale Ni bata kuli mulemuhe kuli ne ba si bahedeni, sina lipapali za luna zeñwi mo li lu boniselize cwalo . . . Muhupule, ne bali balumeli. Cwale, ha ne ba taha ma Isilaele mwa musipili wa bona kuya kwa naha ya sepiso, kutaha mwa nzila ya musebezi wa bona, mi fa kwa taha Moabi mwa musipili wa bona. Ba luma linunwama ku Moabi, mi bali, “Lu lumeleze kufita mwa naha ya hao. Lu bana bahenu.”

203 Cwale, Moabi na yemela Manikolai. Cwale mu ka bona fa muzuzu fela. Isilaele na yemela Keleke ya niti. Mi Balaami neli alimuñwi wa ma bishopu, mapope. Mutalime mi mubone cwale; Bukreste bwa nama. Cwale lu ka fumana kuli na na ni mpo, hakuna ku kakanya ka zona. Buñata bwa bona ki bakutazi babande, madokota ba za bulapeli, ni—ni baana babatuna. Hamukoni kulatula zeo. Kono, “Kuba ni mufuta wa bulapeli, kono ba latula Mata ateñi.”

204 Mukutele kwa Pentekota ya makalelo yani! Musike mwa zwa ku zeo. Haiba muzwa, mu latehile. Mupile ni mbuyoti yeo. Yeo ki Yona, yena Mufuyoli wa mbuyoti.

205 Cwale, mulemuhe hane basweli kuzamaya cwalo. Ba fita fa mufuta wa keleke ya mazwake ye, mi se bali, “Lu ya kwa ancafazo. Lu libile kwa naha ya sepiso. Kana uka lu lumeleza kuli lufite? Haiba likomu za luna lika ca bucwani, haiba li ka nwa mezi a hao, lu ka lifa.”

206 Mi ki sikamañi sa na...? Mulena Balaki, a tabela hahulu, mi na sa lati mukopano o cwalo mwa keleke ya hae kamba naha ya hae. Kona kuli ki sikamañi sa na ezize? A lumela ku pope, kamba ku bishopu, Balaami, mupolofita ya lekilwe, mutu yana lata hahulu mali kufita mwa na latela Mulimu. Mi Mulena Balaki amubulelela kuli, “Haiba uka taha kwanu ku to kuta sicaba se, Ni ka kueza kuba nduna ya kutekeha.” Mi Mulimu a bulelela ku Balaki. Mi ha Ni zibi haiba ne ku ka ezahala ku... Ni talusa Balaami. Hani zibi kuli ki bo Balaami ba bakai babaliteni mwa lifasi busihu boo? Bakutazi ba Methodist, bakutazi ba Baptist, buprisita ba Katolika, (Sishemo!) ba baziba kuli Mulimu... haiba muka bala litaba za kale ze ni yona Bula yeswana ye Ni balile. “Balaami!”

207 Cwale, mulemuhe. Mi abulelela kuli, “Tuluka u to kuta sicaba.”

 Mi Balaami ali, “Ni ka buza Mulimu.”

 Mulimu ali, “Usike wa ya!”

208 Kono kakusasana o tatama, abulelela kuli...ayo bulelela muprisita, kamba mu—mu mulena.

 Mi a yo kuta, ali, “Oh, Nika—Nika ku bubeka kuba muuna yomutuna.”

 Kacwalo Balaami atundamena; Mulimu ali, “Zamaya kanti he, zamaya kanti.”

209 Mwabona, haiba hauna ku latelela Niti... U nahana kuli, Manikolai, fo kikuli Mulimu usweli ku ku ezeza ze sweli kueza kuli... Kuna ni Niti ya makalelo! U sweli kunga fela tato ya kuhapeleza kwa Mulimu. U li, “Mulimu u lufile Moya o Kenile,” kamba “Wa lu fuyola, mi lu kolobelizwe ka libizo la ‘Ndate, Mwana, ni Moya o Kenile.’” Wena Balaami tuwe! Mwabona, tuto ya Baalami. Mulimu na mu bulelezi, kasamulaho wa ku hapeleza

hahuli lika, A mu lumeleza kuli azamaye, a itamelela fela. Mu lukela kukutela kwa Niti, Niti ya mutomo. Ku kutela kwa Bibebe. “Oh, kihande, U lu fuyozu! Ni ku- . . .” Oh, Na ziba cwalo. Na zibile, a bulelela Balaami, ali, “Zwelapili uzamaye. Haiba u bata ku ya, haiba zeo. . . U tamehile kuya ka nzila yeo, mi u bata kuya ka nzila ya likopano; ki fo, zamaya ka yona.”

²¹⁰ Mi Balaami akala kuya, mi apahama fa mule ya hae, kamba, isiñi mule, donki ya hae, mwahala musipili ki yoo aya. Mi cwale nto yapili, mwa ziba, Lingeloi la Mulena la yema mwa nzila. Mi, mwa ziba, mupolofita wa niti, yena pope yani, bishopu, muika wa bulapeli, kaufela sa nali sona, nali sibofu hahulu kwa litaba za moyo, mihupulo ya kufita situlo ni likute, kakuli na pila kwa Nuka ya Euphrates. Ni sepa na nahana kuli bwani neli buswa ku yena, inge kuli “Fa halimwa licwe leo Ni ka yaha fateni keleke ya Ka, Pitrosi,” kamba sa licwe leliñwi fela lene lili mwa Rome, kamba nto yeñwi. Kono ha yo fita fa sibaka sani, ne ku yemi Lingeloi ni mukwale o zwile mwa sipushu, mi yena nali sibofu hahulu kuli mane apalelwa ku li bona. Mi mule ya kuba lihutu la hae lwa limota. Mi kona a ipahama, mi ni—ni Lingeloi la yema mwa nzila hape. Mulimu uka tibela munyako kaufela! Mi mule ye ya fetuha kwa ni kwa. Mi atula fateni, ki ha nga mulamu wa hae ni kukala ku itibaula ka ona. Yona donki nyana yee, yali kubuta fela fafasi, inge inatiwa kwa toho.

²¹¹ Mi Na, luli ki sikamañi sene si icincize, ki sikamañi sene si i ezize kuba cwalo, kamba ku mu bulelela kuli kwana ya ne ku fosahalile, A lumeleza mule kubulela ka malimi. Isiñi mule, neli donki! Musike mwa bulela kuli neli “mule;” ne isike ya lemuha lika, kakuli yona ki ya mazwake. Mwa bona? yeona neli peu ya niti ya makalelo.

²¹² Moabi nali, “Lisupo li felile, lika kaufela li felile.” Isilaele nana ni lisupo ze ne mu latelela.

²¹³ Kono donki ya hae yenyinyani ya fetuha ni kubulela kuli, “Kana ha Ni si ka ba donki ya hao nji? Kana Ni kile na . . .” Ni yena—yena bishopu wa sibofu yani ali kuina fa mukokoto wa yona fani, inza sa nataka mule yani; mi ni mule ya ambola ku yena, mwa mushobo usili kwa mule.

Mi ki ha li, “Eehe, u—u donki yaka.”

“Mi kana Ni kile—Ni kile na hana ku kulwala fateni, kamba Ni kile na ku hanela fateni nji?”

“Awa, wa li kuba. Kono kambe Ni na ni mukwale faa, Ne ni ka kubulaya, Ne ni ka tuhelisa mukopano woo. Ni mwa musipili waka kuya kwa ku tuhelisa sikwata sa bapikuluhi baba kenile bani kuli basike ba fita mwa naha ye. Ni—Ni ka kufa mulatu.” Mwabona?

²¹⁴ Mi taba yapili mwa ziba, a to talima kwa ni kwa, a hupula kuli, “Kihande, le ki lisheha. Na utwa mule yani ha ibulela.”

215 Oh, Balaami! Hmm! Mwabona, Mulimu kamita ubulelanga kwa sicaba mwa malimi asili. Na ezize cwalo mwa mazazi a . . . Mu li, “Zeo fela ki kwa Mapentekota.” Oh, no. No, no. Fa mukiti wa Belshazzar Na bulezi ka malimi, ato A ñola fa limota. Ne bana ni muuna kwani yana filwe mpo ya kutoloka, kacwalo a to ba tolokela ona, aba bulelela za nali zona. Ki nto yeswana ni kacenu.

216 Kacwalo, ka kuba kuli nekusina mutoloki wa Zona, Mulimu atuhela fela kuli pili ndatetuna yo Balaami azuhe (yena muika yoo) mi alemuha seo ne sili Sona. Mi kana mwa ziba kuli mutangana wa sibofu yani na zwezipili mwa musipili nihakuli cwalo? Luli. Kona mo ba ezeza ni kacenu, nto yeswana; Mamoabi, Manikolai, basweli kuzwelapili ona cwalo. Mi ba zwelapili kulo kwani, mi a ya ona cwalo. . . Cwale amutalime, haiba Mulimu na kutekile buino bwa milao, Na itamile kuli uka fuyola Moabi; kakuli, mulemuhe, Balaami a yaha tutala to tu sebene. Yeo ki niti.

217 Nombolo ya busebene: masika a sebene a likeleke. Mwabona mayemo a buino bwa moya? Cwale, muswale zeo cwale: muinelo wa za moya. Ni ka fita ku zona fa nako nyana, mwa nako yetata. Mwabona, muinelo wa moya. Tutala to tu sebene, lipoho ze sebene (lifolofolo zekenile), ni litotolo ze sebene; kubulela za kutaha kwa Kreste, myaha ye mianda anda A si ka taha kale.

218 Kono, ba lumela. Ki sikamañi se ne ba lumezi? Ne ba lumezi ku Jehova Mulimu. Ki sikamañi hape se ne ba lumezi? Ne ba lumela kuli sitabelo se si kenile ne si na ni kufiwa. Yeo ki niti. Mi ba bulela kuli ne ba lumela kuli Mesia na taha, kakuli ne ab file li—li ngu za poho, yeneli totolo. Kana ku cwalo?

219 Cwale, mu kopane fela ni wa Baptist nako yeñwi; mufumane haiba ha baezi lika ze swana. Yeo luli ki niti.

220 Kihande, cwale ki shutano mañi? Ki yo fa Isilaele kwatasi a lilundu, inge bafa litabelo ze swana ze ne ba file ni fahalimu faa, ni kulapela ku Mulimu yaswana. Kikuli ha mu boni Manikolai? Za mazwake! Mwa li bona nji? Kikuli ha mu boni za moya za niti? Shutano ya bona neili ifi? Alimuñwi wa bona nana ni lisupo ze latelela! Yomuñwi nana ni *mufuta*, yomuñwi nana ni *lisupo* ze *latelela*.

221 Zeo kona lika zeswana ze ne ezahalile faa, ba Nicene Council; Manikolai, Bukreste bwa sihalihali. Mi Moya o Kenile wa taha mi wa li, “Muna ni tuto ya Balaami mwahala mina.” Mwabona? “Mi mina. . . Ni toile ona misebezi ya Manikolai yani, lituto ze ba nani zeo, kakuli ki tuto ya Balaami ya na lutile bana ba Isilaele kuli ba sitatale.” Na ezize cwani?

222 Mi ki ha zwela kwateni ku yo kuta sicaba, Mulimu ali, “Ni ka tama lulimi lwa hao; hakuna zo ka bulela konji ze Ni ku bulelela. Haukoni ku kuta ze Ni fuyozi.” Kacwalo atalima mwa mukulo wani.

223 Mi amutalime muipi yoo! Oh, lwakona kuya ni kukuta kutela mwateni, mwabona. Amutalime Mulena Balaki yoo, yena—yena—yena—toho ya bona kaufela, abulelela mupolofita wa buhata yo faa, kuli, “Zwela teñi mi u yo ba talimela fa mikokoto.”

224 Cwalo kona ni—ni likeleke zetuna mo li latela ku bulelela kwa likwata zenyinyani za Mulimu. “Mwa ziba kana? Ne ni ziba iliñwi ya zona. Mushimani! Mwa ziba za na ezize? Na—na ezize *se*, mi na ezize ni *sani*. Bao ki Mapentekota. Luli.” Oh, kono kambe mwa ziba fela niti ka *bona*, kono mapampili ni lika zeñwi lika kuzisa litaba zeo. Kono mutuhele kuli Mupentekota alimuñwi azwele ku ze lukile nako yeñwi, ni mutalimele naha kaufela mo ika li pataleza. Luli. Eeni, sha.

225 Kono, cwale mulemuhe, ki hali, “Kutalima fela kwa mulaho, kwa mukokoto, siemba se si maswe kwa liemba kaufela.” Balaami ali, “Eehe, Ni ka ba talima fela kwa mulaho, ona kalulo ye maswe yani mo ba ezezanga. Kona ze Ni ka eza, Ni ka ba talimela kwa—kwa maandamino a bona, siemba sa bona se si maswe.” Kakuli ha utalima fa siemba se si maswe, ne ba si zeñwi. Yeo ki niti. Ne ba ezize sibi kaufela ku ze ne liteni fa kalenda. Kono sa na palezwi kubona, na palezwi kubona Licwe le linatilwe lani, Noha ya Sipi yani, yona tabo ya Mulena yani mwahala bona, foliso, lisupo, makazo, ni Siita sa Mulilo sani se ne si nyendaela fahalimwa bona.

226 Mupolofita wa sibofu yani na palelwa kubona Seo. Batili, sha. Kono na bonisa siemba se si masila sa bona, “Kihande, Na ziba yana matile ni musala mutu. Na—Na ziba se, na uzwise mali.” Yeo ki niti. Yeo ki niti. Ni ka lumela cwalo; kono bana ni lika zeswana kulo kwani, kono hakuna ze ne ba bulezi ka zona. Mwabona? Kacwalo abonisa fela siemba se si masila.

227 Kono Ki hali, Mulimu ali, “U bulele fela ze Ni ka bulela.” Mi Balaami akena mwa Moya, awela mwa pono; mi mwa sibaka sa kuli akute Isilaele, a ba fuyola. Amen! Ki yani fani.

228 Cwale, haiba Mulimu na ka atula. . . kamba kukuteka za milao, zona likolo zetuna zee, ni mikopano yemituna ni koleji, ni ma Ph.D. ni ma D.L.D. ni, oh, mifuta kaufela ya ma D.D. . . . Kihande, kucwani haiba Nana ni likute ku zeo, kihande, he, nemuka. . . Na lukela ku ba kuteka. Mwabona? Kono na kutekile kale mi na sa fuyozzi kale sicaba se ka mbuyoti, kakuli Moya, yena Mulena. . . Ne baize, “Nekuna ni muhuwo wa Mulena mwa mafulo.” Sikamañi? Sikamañi? “*Mulena wa ba bakenile.*” Kukalumuka ni tabo! Ya sikamañi? Mubuso usili.

229 Ni ka mi bonisa kuli ne ba si likopano. Mu bata kuli ni eze cwalo? Ni sepa ne Ni ñozi Liñolo fa ka seo. Eeni, sha. Halu boneni ni mi bonise kuli Isilaele ne si. . . Ha lu apuleni mwa Numere, ili kuli mubone kuli ne ba si cwalo. Neba. . . Cwale, Moabi ne li

kopano yetuna. Lu ka bala Numere 23:9, Ni ka nga ti—ti timana ya 8 ka yona:

Mi . . . *Ni ka ba Ni—ni ka Ni kaba kuta cwani*, (kubuela Baalami), *be Mulimu ha si ka kuta? Kamba Ni ka hanyeza cwani, be MULENA ha si ka hana?* (Uh-huh.)

230 Cwale amuteelze ku . . . sa Na bulela:

Kakuli—Kakuli kuzwa fahalimwa macwe Ni mu boni, . . . (Yo ki Mulimu. Isiñi kuzwa mwatasi mwa musindi, kono kuzwelela fahalimu a macwe. Oh! “Liito la hae litokomela nyunywani, mi Ni ziba kuli Wa ni tokomela.”) . . . *kuzwelela fahalimwa macwe ni Mu boni, . . .* (Amen! Isiñi kuzwa kusili. . . kwa mulaho wa musindi kuli ubone siemba sa kwa mulaho wa bona; “Na bona sika kaufela,” Mulimu abulela.) . . . *kuzwelela fahalimu a macwe Ni mu boni, mi kuzwa fa malundu Na mu talimela: amubone, sicaba si ka pila mwa buinosi, mi hasina ku lemuhiwa mwahala macaba.*

231 Zeo za utwahala kana? Ne ba si kopano, “linaha.” Oh, nebali ayambaeli, mwa litende, linyambangeti, kwani kwa manganandila, tumo ye likani. Ba fita kwa mulaho, mandu a kulifela, ba ba leleka; Mulimu na bata kuli ba ye kwa sibaka sisili. Mwabona? Bayambaeli! Kulukile!

232 Kwa Jamaica kwani, ha ki kale hahulu, nekuna ni dokota yomunde wa Pentekota wa za bulapeli yana yemi kwani. Mi se Nili, “Oh, Mulena mwa na fuyolezi Keleke ya pentekota: ne basina sika.” Se nili, “Ne bali fela bayambaeli, kafa ni kafa.”

Ki hali, “Uh, Muzwale Branham?”

Se nili, “Eehe, muzwale.” Na mulata; ki muzwale yomunde.

Mi ki hali, “Ne—Ne ni bata fela ku ku bonisa fo sweli kufosa.”

Se nili, “Oh, Ni tabile hahulu ka seo. Na—Na kamita ni tabela kuziba fo Ni sweli kufosa, kakuli Mulimu wa ziba kuli; Ha—Ha ni lati ku fosa.” Se nili, “Kihande, haiba Ni fosa, Ni bata ku ziba lika zateni, muzwale. Ni itumezi.”

Ki hali, “U zwelapili kulumba sicaba sa mapentekota bani.”

Se nili, “Eehe!”

Ki hali, “Ne ba ezize mafosisa amatuna hahulu ku akile a eziwa fateni, ha ne ba lukisize libyana za bona.” Ali, “Ha ne kutaha nyandiso, ne basina nihaiba ndu kwa kuya. Ne ba sina sibaka kwa kuya, mi ba yambaela fela.”

Se nili, “Ki tato ya Mulimu fela.”

Ki hali, “Kiñi?”

233 Se nili, “Kambe ne bana ni munzi ne ba kaya kwatani, kono ne ba sweli kututela kafa ni kafa, kuhasanya makande, kai ni kai, kone kuile Moyá o Kenile. Musike mwa ni bulelela kuli Mulimu

wa banga ni mafosisa. Ha ezangi mafosisa. Wa ziba mwa ku ezeza lika. Ba lekisa libyana za bona mi baba linyambangeti, inge ba hasanya makande kai ni kai.” Mi se nili, “Makande a hasanyiwa kaufela kwa libaka ze zibahala za lifasi ka nako yani, ka bona linyambangeti zani bene ba lukisize lika kaufela kuli ba amuhele Moya o Kenile.” Sicaba ne si sikwata sa kopano. Mwabona?

²³⁴ Cwale, muhupule, kopano kona ya biza Mulimu, “Ye keni mwa tuto ya Balaami.” Kihande, cwale, ha na palezwi ku ba kenya mwa kopano ye, mwa ziba za na ezize Balaami? Cwale, muteeleze ka tokomelo cwale, lu sutelela kwa kukwala cwale. Cwale sa na ezize Balaami, na ezize taba yeswana luli yene ba ezize kwa mukopano wa katengo kaba Nicene Council. Kona libaka ha Na bulezi kuli, “Una ni tuto ya Balaami ni bona Manikolai bani.”

²³⁵ Cwale, Manikolai neli batu bene ba ikabile ni kuli ne ba bata kuipangela likopano za bona ni—ni zeñwi cwalo. Ili, mafelelezo. . . Ki ba bakai baba ziba kuli yeo ki Niti ha Ni bulezi kuli, “kopano”? Yeo kwateni kuli ki Niti ya Mulimu. Mi kwa mafelelezo ba ongaonga kopano yetuna hahulu mwa lifasi. Mi ki sikamañi se ne ba ezize? Ki Katolika. Mi kana linzwi la kuli *katolika* li talusa sikamañi? “Nyangela ni ndopu.” Kopano, lifasi loote, kopano, “Lika ze nyinyani ze kaufela lina ni kutaha mwa keleke iliñwi.” Cwale, haiba muka lemuha. Oh, Ni. . . mu zwelepili fela kuya.

²³⁶ Amutalime! Babilona neli sikamañi? Ki mañi ya na kalisize Babilona? Nimrod. Ki sikamañi sa na ezize? A yaha tawala iliñwi yetuna mwa muleneñi, mi aeza mileneñi yeñwi kaufela ilifange mali ni likute ku ona muleneñi wo. Kopano! Ao kona makalelo a ona. Luli. Ataha hape mwa keleke ye fa ni ku to iongaonga hape, mi atisa linaha kafeula ku yona. Mi ona fa I bulela kuli, “Lihule le li nwisize macaba kaufela kwa buhali bwa buhule bwa lona.” Buhule bwa hae bwa na sweli kueza, ku ipapata kuli ki “Mukreste” ni kufa lika ze cwalo: tutekisema, libuka za litapelo, ni lika zeñwi kaufela. Mi ni Baipanguli bataha ka mukwa oswana mwa mulaho, ki nto yeswana, ku latelela fela hande mwa mitala ya hae.

²³⁷ Ku lukile, ha luyeni fela fapata nyana cwale. Ku lukile. Ku lukile. Na bulezi kuli cwale, ali, “Zeo neli lituto za Balaami.”

²³⁸ Cwale, ki sikamañi sa na ezize Balaami ha na fumani kuli na palelwa—kuli ba palelwa ku kuta Isilaele? Na bulelezi Balaki kuli neikaba mulelo o munde, mi, kuli ameme sicaba se kwa mukiti wa mulimu wa maswaniso. Nebana ni—nebana ni—ni mukiti kulo kwani, ne bali. . . kone ba kaba ni zeo. Mi ba. . . Mukiti no bizwa “Mukiti wa Baal-p-e-o-r, Baal-peor.” Ni sepa ki p- . . . peor, Baal-peor. Ne li mu—mu mukiti, wa kulapela.

²³⁹ Mi Balaami ali, “Cwale, Ni ka ku bulelela, Balaki, Ni ka kufa mulelo o munde. Haiba fela uka. . . haiba uka. . . Mulimu

haana ku ba kuta, kona fela ze liteni ku zona, kona kuli Ni ka ku bulelela se lu ka eza. Ha lu koni ku ba bulaya; kono haiba uka kona fela ku ba mema kutaha, uka zamaisa taba kaufela ka mo latela.”

²⁴⁰ Mwabona, kiniti, kiniti ni za na ezize Constantine. Ka kuswana hande luli! Leo kona libaka “haiba tuto ya Balaami.”

²⁴¹ Ki sikamañi se be ba ezize? Bona cwale. . . tuto ya Balaki ya taha mwahala Isilaele. Mi ba mema Maisilaele kaufela kwa mukiti tuna woo, neli nyangela ni ndopu ya sicaba luli yene putehani kwani. Oh, mukiti omuñwi omutuna cwalo, neli kubina kwa tobone wa kuta kone kuli kzafani. Mi ha ba yo fita kwani, kiñi, sicaba sa Maisilaele se sa kala kubona basala babande, baba mapunu ba ma Moabi bani. Eeni, ne ba sa swani sina basizana bo ne ba twaezi kubonanga kwani. “Oh, neba bonahala hande hahulu. Mawi! Mo ne ba bupezwi ni, oh, mo ne ba iponiseza.” Mi ba wela ku zona, ni ku kala kueza boozwa. Mi Balaami a ziba kuli Mulimu na si ke a ba kuta, na ka ba lwala kuya kwa neku la kopano lani ni kueza kuli buhali bwa Mulimu bu ba bulaye; kuli Mulimu aba bulaye yena Kasibili, haiba na ka ba zwisa fela mwa nzila ya Niti.

²⁴² Mi u sa zwela fela kwa lika za kuikopanya kwa keleke mwa sibaka sa ku amuhela kolobezo ya Moya o Kenile, u shwile! (Isñi sa hao, kono fa neku *lee*, Ni tuhela kuli taba yeo ikene mwa butungu fa nako nyana.) Ushwile! “Una ni libizo,” na bulelezi Luther cwalo faa, mwa Lusika lwa Sardisi. Linzwi le lili *Sardisi* litalusa “kushwa.” “Una ni libizo kuli wa pila, kono u shwile!” Kona sa na bulezi Mulimu. Eehe. Mwabona?

²⁴³ Mi ba si no eza bozwa bwa moya kulo kwani, keleke ya nyala kuzwa kwa kolobezo ya Moya o Kenile ni kutaha kwa kopano, mi se ba shwa. Ki fo he cwale. Seo kona se i bulezi Bibebe, kona sa na bulezi Mulimu, ubulela kwa likeleke.

²⁴⁴ Cwale Ni bata fela ku mi balela nto yeñwi, ye Ni. . .

²⁴⁵ Mi Mulimu, ki sikamañi sa Na ezize? Cwale ba si no eza taba yemaswe ye, mi ne bali mwa boozwa, Mulimu a bulaya ba fote-tu sauzande ba bona ka nako iliñwi; fote-tu sauzande, ka kueza boozwa. Mi ki sikamañi se si bulezwi mwa keleke moo? boozwa bwa moya, kuli ubulela kuli u “Mukreste” kono u sa pila mwa lifasi. Oh, muzwale, a ku amuhele Moya o Kenile! Zwa kwa lika za lituto za milapelo zeo mi uka. . . zeo li shwile; kukutakela kupeta tuto ya Tumelo ya Baapositola, kamba tuto ya tumeo yeñwi cwalo, ni kupeta litapelo nyana ze ñozwi mwa buka ya litapelo, kamba nto yeñwi ye cwalo. Jesu na si kabulelela sicaba sa Hae kuli ba petange litapelo, Na bulezi kuli, “Mulapele!” Mulapele! Ku lukile.

²⁴⁶ Cwale, mukiti wa Constantine, kuswana sina Balaami. Cwale amutalime. Inge mukiti wa sihedeni wa Balaami,

Constantine nana ni mukiti wa sihedeni. Ku lukile. Pergamosi ne imemilwe. Mi ha mu lemuhe se . . .

247 Nina ni se ni ñozi kulo faa, Ni ka si siya fela cwale. Ku lukile. Ku lukile. Ni sweli fela kulika kuswala ka pampili ka kainzi fa ka . . . ki sika se Ni ñozi.

248 Pergamosi ne imemilwe. Ku lukile, ne ba memilwe kwa mukiti kasumulaho wa ba Nicene Council. Ba memiwa kwa mukiti wa ba *Winter Solstice*; ili kutalusa kuli, “lizazi, milapelo ya lizazi,” ya nali mulimu wa maswaniso; zazi lateni ne li la Nulule 21, lizazi le li kuswani hahulu mwa silimo. Mi myaha . . . Nako yeswana ha i cinci kufitela Nulule la 25. Mahedeni kaufela ne ba nyakalalanga ka zona, kupepwa kwa mulimu wa lizazi. Kunyakalala kwa kupepwa kwa mulimu wa lizazi neli lizazi le li kuswani hahulu mwa silimo, Nulule 21. Mi cwale mutu kaufela ya kile abala makande a kale a likeleke u ziba kuli mahedeni ne ba lapelanga ka lizazi leo. Ne li mukiti.

249 Kihande, Maroma ne ba na ni . . . nebana ni lipapali zetuna, ili mikiti ya Siroma. Ki ba bakai baba boni taba ye faa, seo kaufela ne sili sona, kwanu ha ki kale hahulu, ne ba zwile ni? Ben Hur! Mwabona? Cwale, mikiti ya Siroma; kona ze ne banani Maroma la ka zazi la lizazi lani, ka kupuzo ya kupepwa kwa mulimu wa lizazi. Mwabona?

250 Mi cwale . . . mi ba eza mukoti o mutuna kwani mi ba mema Manikolai kutaha mwateni. Oh! Ha ki swanelo nji? “Tuto ya Balaami yo nani ku wena.” Mwabona, u bulelela Pergamosi sene ba nani, ona mishobo yemituna. Kwani ba hupula kuli . . . Ona Manikolai baa ha hupula kuli, “Kihande, cwale, zeo li lukile. Ona mukiti omutuna o nyakalalwanga mwaha ni mwaha? Eeni.” Kona kuli ka memo ya kuya ku—ku ya bizwa kuli bishopu yomutuna, kamba na bizwa cwani ka nako yani, ni lika zeñwi, ba linga kuba lika ze zwelapili: kuli batise za buhule mwateni, kutisa mwateni boozwa, kubupa keleke ya Katolika; yeo mane kopano kaufela ya Baipanguli ki siemba sa yona, kopano. Mulimu haana kopano, mane utoile libizo lateni luli. Biblele ibulezi ona cwalo.

251 Mi ba si no eza cwalo, ki sikamañi se ne si ezahalile? Neba—neba bulezi cwale . . . Ne ba bile ni neku la za moya, kacwalo ba cinca (Mulena Jesu) kupepwa kwa M-w-a-n-a a Mulimu kuzwa mwa kweli ya Lungu (Yeo ba likolo babande ba ziba, mane ni mutu kaufela yana ni sinulo ya moya, kuli Na pepilwe ka nako ye li pepwanga lingu ni lika zeñwi: ka Lungu.) ba li isa ka la 25 Nulule. Mi ba sa lapela Kilisimasi, cwale se li Santa Claus. Ni seo . . . Oh, sishemo. Mwabona? Niteñi isali milapelo ya sihedeni ye ekelizwe kwateni. Zeo ki zona fela. Ki fo he cwale, ba mema, Balaami. “Una ni tuto ya Balaami mwahala hao.” Ki zeo foo. (O Mulimu, aku li patulule fela, Ndate.) Mwabona? Zazi la kupepwa kuzwa ka Lungu kuisa . . .

252 Cwale, ba litaba za kale ba bulela bali “Bupaki kaufela bwa kuli Jesu na pepilwe ka kweli ya Lungu foo bupilo kaufela ha bu shoshelanga.” Kono ba li cincize kuya kwa lizazi la bu 25 ka Nulule, mazazi a ketalizoho kasamulaho wa fani (mwabona?) kuya ka milimu ya sihedeni, kacwalo ba beya mikiti ya bona hamoho: buhedeni ni Bukreste. Mi Bukatolika ha ki sesiñwi mwa lifasi kono ki sikwata sa buhata ni tuemba emba twa Bukreste to tu beilwe hamoho. Zeo ki zona. Yeo ki niti. Ni Baipanguli baba li nyemela ki bana ba basizana fela ba lona lihule tuna lani. Yeo ki niti.

253 Cwale, Mulimu alutuse kuli lube baipanguli ba niti baba lwanisa nto kaufela ye si ya bumulimu. Mwabona? Oh!

254 Ni kubeya buino bwa moya ku zona, kana mwa ziba bishopu sa bulezi? Bishopu u bulezi kuli, “Luna ni tukelo ya kueza se kakuli ki yena ‘Lizazi la kuluka.’” Hmm! Oh, ba ikungela lisuba fa kuzwela, sina mo ba ezeza ku za “Ndate, Mwana, ni Moya o Kenile;” Mateu 28:19, mufuta o swana, ona cwalo. Luli, ba ikungela lisuba fa kuzwela, bana ni kuba ni mufuta wa buino bwa za moya, mwa bona. Kono haliyo. . .

255 Bbele ibulezi kuli, “Mwa milomo ya ba babeli kamba lipaki zetaalu taba kaufela italelezwe.” Mulimu na bulezi ona cwalo, U li bulezi halala. Haiba Mulimu u bata kuyemela taba yeñwi, Na bizanga Pitrosi, Jakobo, ni Joani; lika kaufela za Na eza, Na banga ni lipaki zepeli kamba zetaalu kuli abonise sika kaufela Sa ezize, mwahala Mañolo kaufela. Kubile ona cwalo.

256 Kono, mwa bona, lika ze nyinyani zeo lina ni kutaha mwateni kuli litalimiwe kuba zeo. Mulimu na li zibile ku si kaba kale mutomo wa lifasi. Kwani ba ba ni zona, buino bwa za moya, “Kakuli ki yena M-w-a-n-a Mulimu, lu ka nga fela kupepwa kwa l-i-z-a-z-i kwa bahedeni ni ku lieza kuba kupepwa kwa M-w-a-n-a, mi kakuli yena ki ‘Lizazi la kuluka.’” Hmm! Hmm! Mwa ziba, Baipanguli ba sa wela kwa neku leo, nto yeswana sina cwalo. Luli, ne ba ka, linga kuzwa mwa Mañolo kuisa kusili fela. Oh, mawi! Na . . . Halu—halu yemeñi fo pili fa muzuzu. Ku lukile.

257 Ki ye nto iliñwi ye Ni bata kunga. Ha lungeni kalulo ya mafelelezo ya timana ye kapili. Lu eze cwalo kana? Eehe. Kihande, Ni ka akufa kapili, kapili luli cwale, mi mu ka . . . lu ka nata fa lika zetuna za Yona. Ku lukile. Lu kai cwale?

Kono . . . lika ze nyinyani . . . Ni nani . . . ze ni kunyaza, . . . Balaami, . . .

Yeo ki niti, Ni i fumani.

Mi hape una ni ku wena . . . tuto ya Manikolai . . .

Ubake; . . . ku si cwalo Ni . . . taha . . . kapili, mi . . . ni ka ku lwanisa ka mukwale wa mwa mulomo wa ka.

Ya na ni lizebe, a utwe seo Moya u si bulelela likeleke; . . .

258 Mawi! Fa Constantine ha na ezize cwalo, ne li . . . Ha ba to kalisa mukiti tuna wo. Ni—Ni fela . . . Ni kalile kuzwa ku yona; Ni ka libelela Ni si ka bala kale libaka kakuli Moya o Kenile u sweli kukutela mwa mulaho, kona ha Ni ezize ze Ni ezize; uli, “U sike wa buluka seo.” Mwabona? Ki se sa taha! Uh-huh, uh-huh, uh-huh. Ku lukile. Libaka . . .

259 Ha ba to kalisa nto yetuna ye, (Ni bata ku mi bulelela sene si ezahalile kuli mu utwisise.) kwani neli kupepwa kwa mileniamu ya mwa mulaho. Kakuli keleke ne se ifumile; ne ifumile ka mo ne ikabela. Mi neli sikamañi? Yemata. Ne ili fahalimwa naha; naha ni keleke nelili hamoho.

260 Cwale, Mulimu ni mubuso wani? Mi kana Jesu na si ka bulela kuli baka . . . Yeñwi ni yeñwi ya linaha ze neli za hae, abulelela Jesu cwalo, a Mu bonisa mibuso ya lifasi, ali, “Kaufela yona ki yaka. Ni eza mo Ni latela kaufela ka yona.” Mi ni kutamahanya Mulimu ni diabulosi hamoho? Oh, hamukoni kueza cwalo! Kaniti, hamukoni. Ki kabakaleo naha i ongaongilwe. Mulimu ha yo cwalo, likopano zee. Batili kutokwa, hamukoni kueza cwalo.

261 Kono nebana ni zona ka nako yani, nebana ni keleke ya bona ye bizwa Bukreste; ne ba swalisani ni naha, mubusisi kaufela wa Rome, kaufela zona. Bishopu yomutuna fahalimu fani, ya na li Boni- . . . Kasamulaho ba mu biza kuli pope, kono na li mu—mu nali bishopu ka nako yani. Mi Boniface III ki yena ya na li pope wa makalelo.

262 Mi lu fumana kuli nainzi fani sina pope fahalimwa . . . Ili mulimu wa maswaniso yene ba nani, mwa buino bwa mutu. Nebana ni aletare yetuna. Nebana ni sifumu sesituna. Nebana ni zetuna, ze mata, li aletare za macwe abutokwa, mi ze yahilwe ka macwe a mande, ni zeñwi cwalo, fahalimwa zona kaufela. Mi ne bana ni likeleke zetuna. Ne ba zamaisa naha. Mi mwa ziba kuli kiñi? Linzwi ne li utwahalile la kuli “yani neli yona Mileniamu,” kuli lisepiso kaufela kwa Majuda ba ba botanile bani, kuli, “Mulimu na ba hanile” (kanti Na bulezi kuli Na si ke kueza cwalo), mi ba lika kutisa Mileniamu mwatani ku si kaba kale ni kutaha kwa Mulena Jesu. Jesu ha sa tile kona fo ku ka kalela Mileniamu.

263 Kwani ki kupepwa kwa mileniamu ya mwa mulaho. Mi kona libaka ba Katolika ha ba sa luti za kutaha kwa Jesu, ku to fita ni lizazi le. “Kaufela zona li mwa keleke. Ye ki yona Mileniamu. Keleke ina ni lika kaufela. Se ki sona.” Mwabona, mileniamu ya mwa mulaho (Oh, mawi!) kusina kukuta kwa Jesu Krete. Taba ye yaina kufitela pulao ya Constantine yene ezahalile mwahala 312 ni—ni . . . A.D. 312 ni 606. Mi Boniface III a ezwa bishopu wa bona kaufela kamba pope wa keleke kaufela ya nyangela ni ndopu.

264 Ni lumela kuli lu ka fela timana ye, mi kipeto Ni kaba ni yona. Kulumbwe Mulimu. Mwabona? Cwale, Ni libelezi fela fa muzuzu fela. Timana ya 17:

Ya na ni lizebe, a utwe seo Moya—Moya u si bulelela likeleke; Ya tula Ni ka mufa kuca . . . manna ye patilwe, mi ni ka mufa licwe le lisweu, mi mwa licwe kuñozwi libizo lelinca, le li sa zibwi ki mutu konji ya li amuhezi.

265 Kana mu ka libelela kufitela kamuso busihu, kamba lube ni yona ona cwale fa? [Kopano ialaba kuli, “Cwale!”—Mu.] Ku lukile.

266 Ndate yakwa Lihalimu, Ni lapela kuli U konise sicaba se ku utwisisa cwale, ka Libizo la Mulena Jesu, kuli ba kone ku utwisisa kai ni kai (ni ko ku kaya matepu), kuli ba zibe kuli Ni—Ni bulela cwalo kakuli Ki—Ki toloko ya Bumulimu Yo ni file. Amen.

. . . ya tula . . .

267 Nto yapili ye Ni bata kuli muhupule: ki kuli leliñwi ni leliñwi la mañusa aa ha li si ka fiwa kwa keleke, kono kwa lingeloi la keleke. Amutalime kwa mulaho kwanu, la pili, keleke ya Efe . . . Kwa keleke ya . . . Ku ya . . .

Kwa lingeloi la keleke ya Efese . . . (Ku cwalo?)

268 Ku lukile, lusika lwa keleke yetatama, timana ya 8:

. . . kwa lingeloi la keleke ya Smirna . . .

269 Ku lukile, mi timana ya 12:

. . . kwa lingeloi la keleke ya Pergamosi . . . (Kana ki cwalo?)

270 Liñusa li filwe ku mueteleli wa keleke. Mulimu atuse mutangana ya ka zwa mwa Liñusa lani! Kono Ne li filwe kwa lingeloi, mi ni lingeloi ne lili mwa lizoho la Hae mwatasi zamaiso Ya Hae Tota, ku li fa mata a kuzamaisa lika azwa ku Yena, kuzwa mwa lizoho la Hae la bulyo. Ba inzi mwa lizoho la Hae la bulyo, fo ki kuli, bainzi mwa mata a matuna habali fa lifasi mubu faa; kakuli ki bona Maseli a zwile ku Yena, amonyeha Liseli kwa lusika lwa keleke yani. Mwabona? “Kwa *lingeloi* la keleke.” U bulela kwa *naleli* (ya lusika) ya lukela. Lingeloi la keleke una ni mulatu haiba ha kutazi Linzwi. Yeo ki niti. Mi lingeloi leo li ka ikalabela mwa katulo.

271 Ki ba bakai ba bahupula kwanu ha ki kale hahulu ka za . . . Mutalime faa. Hane Ni—ha ne Ni lobezi fa mumbeta, mi Moya o Kenile wa taha; mi Na talima kwa mulaho, ku musala ka kwani. Mi Na ne ni lobezi fani, mi na ngiwa mwa Kubateni kwani, mi Na bona batu kaufela. Mi mwa hupula ha ni mi bulelela zona? Kaufela mwa hupula. Mwabona?

Mi se Nili, “Kihande, kana ku cwalo . . .?”

Ki hali, “Ki ba hao.”

Mi se Nili, “Kaufela ba ki baha Branham?”

Ki hali, “Batili.” Nekuna ni ma milioni a bona. Ki hali, “Bao ki bo tizize kwa kubaka.”

Mi se Nili, “Baba bakile?”

272 “Wabona musali yo no sweli ku ikumbuta hahulu, kwani, wa mwanana mi yomunde,” ali, “nana ni myaha ye fitelela nainte ya kupepwa ha mutisa ku Kreste.”

Mi se Nili, “Oh!” Se nili, “Kona ze ne Ni saba ze?”

Mi ki hali, “Lu libelezi kutaha kwa Mulena.”

Se nili, “Ni bata ku Mu bona.”

273 Ali, “Ha u koni ku Mu bona cwale, kono” ali, “cwanoñu Uka taha. Lu Mu libelezi, kono Ha ka taha, U ka taha ku wena pili. Mi uka atulwa kuya ka Evangeli yo kutalize, mi luna lukaba sicaba sa hao.”

“Kihande,” Se nili, “u talusa kuli Ni na ni mutalu wa zeo?”

“Kaufela luna!”

Se nili, “Kihande, kana kaufela . . .?”

Ki hali, “No pepilwe uli mueteleli.”

Mi se Nili, “Kihande, kana mutu kaufela uka yo atulwa?”

Ki hali, “Mueteleli kaufela.”

Se nili, “Kucwani ku Muhalalehi Paulusi?”

Ali, “Uka atuliwa ka za lusika lwa hae.”

“Kihande,” Se nili, “Ni kutalize Evangeli ya kutalize.”

Mi ma milioni a manzwi atumusa cwana, ali, “Lu yendamezi ku seo!” [Kopano ili, “Amen!”—Mu.] Mwabona? Ki fo he cwale, “kupumula.”

274 Kacwalo *lingeloi* Mulimu, numwana kwa keleke, una ni buikalabelo haiba u kutaza Linzwi. Ku lukile.

275 “Manna yepatilwe.” Ha lu feni toloko yende mo lu konela. Kana “manna yepatilwe” ki ya mufuta mañi? Manna ye patilwe neli manna yene bulukiwa mwa sibaka . . . kamba sinkwa se si sina mumela, mwa Bibebe, zani neli fela za muprisita. Ki ba bakai ba ziba cwalo babaliteni? Mwabona? Cwale, ne si za . . . nebana ni sinkwa sa kopano, kono ne kuna ni sinkwa sa butokwa sa muprisita. Kana ki niti yeo?

276 Se ki sinkwa se si butokwa, ki sinkwa se si butokwa, manna *yepatilwe*. Ki sikamañi seo? Manna ya luna ki mañi? Kreste. Ku lukile, Muhalalehi Joani, kauhanyo yabu 6, timana ya 48 ku ya 50, haiba musweli kuñola. Jesu naize Na li yena “Sinkwa sa Bupilo se si zwile ku Mulimu kwa Lihalimu,” ki Manna.

277 Kihande, ki sikamañi “manna yepatilwe”? Manna ye si ka fiwa kwa kopano kaufela. Sinulo i soluhezi kwa *lingeloi* la keleke, ki sinulo ya Linzwi. Mwabona? Sinulo ya Linzwi ifilwe

kwa lingeloi la lusika lwateni, kakuli li patilwe kai ni kai, mi za patululwa hape (ki manna yepatilwe) kwa . . . Li ñolezwi kwa *lingeloi* la keleke. Mwabona? Mwa utwa nji? Ki sinulo yetuna nyana ya seo Kreste ali sona, mwendi ki pizo ye pahami nyana.

²⁷⁸ Mwa komoka kuli Luther na lemuahile cwani zeo? Mwa komoka Wesley mwa na ezelize mwa lizazi la hae? Oh! Mwa komoka haiba Muhalalehi Martin mwa na li lemuhezi? Irenaeus? Cwale, mwa ziba, keleke mane ne isika yendamena fa mayemo a baana bani, ne ba si ba bakenile ku bona; kono neli bona bene bana ni lisupo ze ne ba latelela. Ne bangile ma—ma bishopu ba bona, ni zeñwi cwalo, kwa mayemo a butokwa.

²⁷⁹ Kiñi, kwanu ha ki kale hahulu, musali na i lo nga *Life of Saint Martin* mwa sintolo sa libuka za Sikuwa. Mi cwale . . . Musali ali, “Muhalalehi Martin.”

²⁸⁰ Mi mutu anga mayemo, ali, “Ha zibahali hande mwa litaba za kale, na si ka yema hande.” Mwabona? Ku to fita ni lizazi le; kono Mulimu una ni libizo la hae, Mulimu u ziba yo ali yena.

²⁸¹ Mwabona, yeo kona shutano. Mutu ubata kuli libizo la hae libe mwa sika sesituna, kono sicaba sa Mulimu si bata kuzwa kwa lika ze cwalo zani. Ha ba lati lika zetuna, ni lika zetuna zeñwi; ba bata ku ikokobeza, buikokobezi bwani. Nzila—nzila ya ku kambama ki kushetumuka. “Ya ikokobeza uka bubekwa; ya ipahamisa uka kokobezwa.” Ya ikokobeza. U sike wa lika kuba sika se situna; u like kuba nto yelikani, kono ube so li sona. Mwabona? U be yomunyinyani mwa meto a Mulimu, u be yomunyinyani mwa meto a hao, mutu ufi kaufela uinzi fahalimwa hao. “Yo mutuna mwahala mina abone kuli ki yena ya sebeleza babañwi.”

²⁸² Ki mañi yakona kuba yomotuna kufita Jesu Kreste ya na itamile Iliyena mwa teka ni kutapisa mahutu a balutiwa? Mutu ya tapisa kwa mahutu, U ba cwalo. Mulimu wa Lihalimu, yena Mubupi wa mahalimu ni lifasi, kutapisa mahutu a masila a bayambi (Oh!) ka musutelo ni lika zeñwi, ni kutaha mwa nzila ya maluli, koo liapalo za bona ne lisweli ku hoholola fafasi, mi a atapisa; Mutapisi wa mahutu atezi masila, seo Na li sona. Mi cwale lu nahana kuli, “Ki luba mo mukete. Luna ni Dokota, Ph.D., wa *Kuli-ni-kuli*.” Oh, mawi! Yo ha ki Kreste. Seo ha si bonisi lilato . . . Jesu Kreste ya latwa. Ato ba Mutanga wa batu kaufela. Yeo ki niti. Na lu lutile mutala wa kuli lu lukela kuezwa cwalo ku yomuñwi ni yomuñwi sina mwa Na ezelize ku luna. Oh, yani—yani ki Mulena ka. Se si Mu eza kuba yomotuna, kakuli Na ikusufalize ili Yena. Mwabona, kona se ne si Mu ezize butuna.

²⁸³ Ni bile ni lithonolo la ku kopana ni baana babatuna mwa bupilo bwaka, mi Ni bile ni lithonolo la ku kopana ni baana bene ba *hupula* kuli ki babatuna. Muuna yomotuna u ka eza kuli unahane kuli yomotuna ki wena mi yena ha ki sesiñwi. Mwabona? Ni katani malena, ni zeñwi cwalo, ni baana babali

babatuna luli. Mi mu katana ni Bakreste baba tiile, ba litino za makamba, ni lika ze cwalo. Mi babañwi ba bona ba taha kwa katala sina ka pongisi ka likuwani mi ni . . . Mwabona? Oh, mawi! Kihande, fa cwale seli . . . Ku lukile.

284 “Manna ye patilwe,” nto yeñwi *yende*. Nto *yende* ki sikamañi? Isiñi nto ya ku . . . Limbuyoti za Moya o Kenile? Oh, batili, zeo ki za kopano kaufela. Kono haili “manna ye patilwe” ne li sinulo ye ipitezi kakuli nana ni kuluta babañwi. Mwabona? Neli zibo nyana ya Mañolo, kuli akone ku luta babañwi. U lukela kuba cwalo. Kana ki cwalo? Hauna kupila kufitelela mulisana wa puteho ya hao. Mu hupule fela zeo, mwabona. Mi kacwalo . . . Kakuli ki yena mulisana ya ku fepa. Haiba ki yena mulisana, una ni kuziba ko kuinzi manna, wa kufepa li—li lingu. Kana ki cwalo? Cwale, ki nto yeipitezi. Mi amutalime se fa muzuzu fela, ki sinulo, ki manna ye patilwe.

285 Cwale, “Licweli le lisweu, ukaba ni licwe le lisweu.” Lingeloi le li kaba ni licwe le lisweu. Leo ki licwe, nji cwani? [Muzwale ubulela kuli, “Kukena.”—Mu.] Mi ni . . . U lukile, “kukena.”

286 Na—Na katani muuna nako yeñwi wa libizo la Simoni, mi A cinca libizo la hae kuba Licwe, “Pitrosi.” Kiñi? Nana ni linotolo. Kana ku cwalo? A cinca libizo la hae ni ku muezala licwe. Kana ku cwalo? Pitrosi nana ni linotolo kakuli ki yena yana nani linotolo za Mubuso.

287 “Libizo lelinca, libizo lelinca le li ñozwi mwa licwe le li sa zibwi ki mutu kwanda yena ya li amuhezi.” Wa ziba yo ali yena, kono hakoni kubulelela babañwi. Mwabona? Mwabona? Hakuna ya ziba konji yena kasibili. Mwabona? Pitrosi u ziba kuli nana ni linotolo, kono ha mu si ka muutwa inza ikuhumusana ka zona. Mwabona? Mitangana baba ikuhumusanga ka zebali zona hañata ha ba cwalo. Uh-huh, uh-huh. “Licwe le li sweu, mi ku lona kuna ni libizo lelinca.” Isiñi libizo la hae fela, kono ki mutu usili fela (Mwabona?) kuli konji yena kasibili ya ziba; yena yana ni licwe, la libizo. Mwabona, manna yende ya kufepa keleke, muhupule.

288 Muhupule taba Ye ha i ezahala kwa keleke, neli lusika lo lu swana (nako yeswana ha ne ku patuluzwi taba Ye) kuli Manikolai ne ba itomezi toho ya keleke ya *bona*, neli pope, mi ba mufa aletare ye sweu fafasi, mwatasi hae, aletare ya macwe. Kana ki niti yeo? Mi baitoma ka mautwana a lisipi, ni lika ze cwalo, ze neli zende ku *yena*.

289 Kono lingeloi la Mulena le ne li ziba yo *neli* yena, neli mwana Mulimu, ka—ka sinulo ya Jesu Kreste.

290 Mi cwale—cwale Manikolai ha ba toma mueteleli wa *bona* ni kubeya macwe a butokwa kwa mahutu a hae (Mwabona?), Mulimu Na beile mueteleli wa Hae yatezi Moya wa Hae; lingeloi la Hae; mi Abeya ku yena liswayo la libizo, kono ha lukeli ku li

patulula. U lukela ku ipulukela zona, mwabona. “Hakuna mutu ya li ziba konji yena muñi.”

291 “Manna ye patilwe, licwe, libizo lelinca leo mutu a sa zibi konji yena muñi,” mi ne li ñolezwi kwa lingeloi la keleke. Ha ni zibi haiba Luther na ziba cwalo? Ha ni zibi haiba Wesley na ziba cwalo? Ha ni zibi haiba—haiba mangeloi amañwi amatuna?

292 Mi ha Ni zibi kacenu, haiba mwa. . . Kutaha mwa lifasi cwanoñu, lingeloi lelituna la Liseli le li ka taha ku luna, le li ka lu isa kwande, ki Moya o Kenile okenile, litaha ka mata, mi uka luisa ku Mulena Jesu Krete. Ka niti haana kuli ziba, kono ukaba fa leliñwi la mazazi aa. Uka eza. . . Mulimu uka mu zibahalisa. Ha na ku itibahaza ili yena, Mulimu ki yena yaka mu zibahalisa. Mulimu uka bonisa beili Ba Hae. Kona za Na bulezi Jesu hanali fa mi ne ba si ka Mu ziba, mwabona. Mi naize, “Ha Ni sa ezi misebezi Ya Ndate, kona kuli musike mwa Ni lumela; kono ha Ni eza misebezi Ya Ndate, mi ha mu Ni lumeli, kipeto mu lumele misebezi.” Kana ku cwalo?

293 Oh, hani li Ki yomunde! Buka ya Sinulo. Cwale, mwabona fo kuinzi keleke? Mwabona mo ba bezi babañata? Mwabona keleke mo ne izwezi kwande kwanu? Cwale, *lo* kona lusika lo luka taha ku lona kamuso busihu, haiba Mulena alata.

294 Cwale, Mu ni swalele kuli Ni mi bulukile nako yetelele hahulu, kono Ni—Ni—Ni sepa kuli mu—mu kaituta sesiñwi. Ni kuba ni ze muiñolezi, kuli haiba. . . Ni na ni zeñata kulo faa, mwendi ki makepe amalalu kamba amane asaliteni, kono Hani sa na nako ya kufita ku zona, mi, kakuli se li busihu, mi seli mizuzu ye sebtini cwale kuli ibe. . . Kono lu ka libeya mwa buka, nihakuli cwalo, mi kacwalo luka—luka—luka ba ni yona.

295 Cwale, ki ba bakai baba Mu lata ka lipilu za mina kaufela? Ki ba bakai baba Mu lumela ka lipilu za mina kaufela? Oh! Cwale, kana mu nahana kuli Ne ni ka yema fa bakeñisa fela kuli ha lu yo mwa likopano— kuli ha lu yo mwa likopano mi lu bulelela lika zeo? Mwa utwisisa cwale, mizwale, libaka le Ni—Ni (bupilo bwaka kaufela) Ni lwaniselize lika zeo? Mwabona, Ne li Moya o Kenile. Ne ni sa liutwisisi na kasibili, Ne ni si ka li ziba kufitela mazazi nyana a fitile. Mwabona? Ne ni sa zibi sene si ni ezisa cwalo; Ne ni sa zibi ze ne Ni omanyezanga basali babapila mwa bumaswe, ni lika zeñwi; Ne ni sa zibi, Na ziba cwale. Mwabona?

296 Cwale, Mulena uziba kuli lika ze li fosahalile. Ki ze fa li zwisizwe mwa litaba za kale, ni litile. . . Biblele ibulezi kuli. . . Cwale amutalime kwanu, Biblele iize (ka kuitahanela) kuli lika ze li ka ezahala. Cwale, lwa ziba cwalo, nji cwani? Kipeto lunga litaba za kale za lusika lwani, ni kubona kuli ne li ezahala ona cwalo fela sina Biblele mo ibulelezi. Kana ki niti yeo? Kihande, cwale, ha lu ka fita ka lusika lwa keleke ya *luna*, ni Sa bulela ka lusika lwa keleke ya *luna*, li ka ezahala ona cwalo fela Mulimu

mwa bulelezi kuli kona mo ku ka ezahalela. Kana mwa lumela cwalo? Oh! Musike mwa bata . . .

Oh, Ni bata ku Mu bona, ni Mu talime kwa sifateho,
Teñi ni opele kamita za sishemo sa Hae se si pulusa;
Mwa mikwakwa ya Kanya ni tumuse kwa linzwi;
Matata a felile, senili kwa hae, ni nyakalale kamita.

Oh, Ni bata ku Mu bona, nitalime . . . (Ki ba bakai babaeza cwalo?)
Teñi ni opele kamita za sishemo sa Hae se si pulusa;
Mwa mikwakwa ya Kanya ni tumuse kwa linzwi;
Matata a felile, senili kwa hae, ni nyakalale kamita.

Cwale hamunze mu lumelisana mwa mazoho ni yomuñwi, kwapata, kwa mulaho, ni kwa matuko, ni ba Methodist kaufela, ba Baptist, Presbyterian, kaufela ba baliteni:

Ha ni nze Ni zamata mwa hana ye, ni ya Ni opela,
Oh, ni supeza mioyo kwa Kal- . . . (Isiñi kwa keleke, Kalvari.) Mwa mali a buba,
Masho amañata anitaba mwa moyo, kwande, ni mwahali;
Kono Mulena ka wa etelela, ni swanela ku kumalela ku Yena.

Ha lu yemeñi cwale:

Oh, Ni bata ku Mu bona, ni ni Mu talime kwa sifateho,
Teñi ni opele kamita . . . (Ha lu nanuleñi mazoho aluna mwa halimu.) . . . sishemo se si pulusa;
Mwa mikwakwa ya Kanya ni tumuse kwa linzwi;
Matata a felile, senili kwa hae, ni nyakalale kamita.

²⁹⁷ Oh, mo Ni Mu latela! Mo Ni Mu latela! Kiyomunde! Kiyomunde!

Kiyomunde, kiyomunde, Jesu u kuna,
Ki Muelezi, Mulena wa Kozo, Mulimu Yamata ki Yena;

Oh, wa ni pulusa, u ni buluka kwa sibi kaufela
ni maswabi,
Kiyomunde Muliululi wa ka, kulumbwe Libizo
la Hae!

Ne ni latehile, cwale Ni fumanwi, hanisana
katulo,
Jesu ufa tukuluho ni puluso yetezi;
Wa ni pulusa ni kuni buluka oh, kwa sibi
kaufela ni maswabi,
Kiyomunde Muliululi wa ka, kulumbwe Ye. . .

Mutu kaufela, ka kuhuwa;

Kiyomunde, kiyomunde, Jesu u kuna,
Ki Muelezi, ki Mulena wa Kozo, Mulimu
Yamata ki Yena;
Oh, wa ni pulusa, ku ni buluka kwa sibi kaufela
ni maswabi,
Kiyomunde Muliululi wa ka, kulumbwe Libizo
la Hae!

Oh, ha ki bunde ni boo!

Oh, kiyomunde, kiyomunde, kuli Jesu u kuna,
Ki yena Muelezi, ki Mulena wa Kozo, Mulimu
Yamata ki Yena;
Wa ni pulusa, u ni buluka kwa sibi kaufela ni
maswabi,
Kiyomunde Muliululi waka, kulumbwe Libizo
la Hae!

²⁹⁸ Kifo kaufela ha lu buleleni kuli, “Kulumbwe Libizo la hae!”
[Muzwale Branham ni kopano ba bulela ka kulumelelana—Mu.]:
“Kulumbwe Libizo la Hae!” Muliululi wa ka! Muhupule kamuso
busihu, sebene kiloko. Kufitela nako yeo, kufitela mu yok uta
hape, muese se:

Unge Libizo la Jesu ko uya,
Mwana wa manyando ni bumai;
Li ka kufa tabo, ni nyakalalo. . . (Ki tabo ku mi
bona mo mizwale, Mulena a mi fuyole.)
. . . kaufela ko uya.

Libizo Lelinde (Libizo lelinde), Oh kwa
munati! (Oh kwa munati!)
Sepo ya lifasi ni tabo ya Lihalimu;
Libizo Lelinde (Libizo lelinde), Oh kwa
munati!
Sepo ya lifasi ni tabo ya Lihalimu.

²⁹⁹ Hanze lu inamisa litoho za luna mwa tapelo, kwa pina ya
mafelelezo, kamba timana ya mafelelezo:

Ka Libizo la Jesu lwa kubama,
Luwa ka mañwele fa...(Mulena Mulimu,
folisa baa, Mulena, hanze lu...)...lu ka
Muapesa mushwukwe,
Musipili wa luna ha ufela.



LUSIKA LWA KELEKE YA PERGAMOSI LOZ60-1207

(The Pergamean Church Age)

MUKOLOKO WAZA SINULO YA JESU KRESTE

Liñusa le ka Muzwale William Marrion Branham, neli kotalizwe lwa pili mwa Sikuwa la Bulalu manzibwana, Ñulule 7, 1960, ili fa Branham Tabernacle, mwa Jeffersonville, Indiana, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatizwe ni ku hasanyiwa kiba Voice Of God Recordings.

LOZI

©2020 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Kreste. Buka ye hailekiswi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleñi ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org